

Daim Chart Qhia Txog Cov Tsev Kawm Ntawv Theem Qis

Tsoom Fwv Tsev Kawm Ntawv Nroog Xees Phos muaj cov tsev kawm ntawv zoo rau txhua koog zej zos nyob hauv Xees Phos. Yuav nyiam yog nej xaiv ib lub tsev kawm ntawv hauv zej zos uas ze nej tsev los sis mus kawm ib lub uas txais tub ntxhais hauv ob peb cheeb tsam ua ke los sis ib lub District Magnet uas txais tub ntxhais thoob lub nroog no, peb yeej muaj ib lub tsev kawm ntawv theem qis (elementary) uas haum nej. Xaiv ib lub tsev kawm ntawv los sis khoos kas magnet uas muaj nyob rau hauv nej cheeb tsam, thiaj li tau npav caij.

Cov Tsev Kawm Ntawv Hauv Cheeb Tsam Zej Zos

Cov tsev kawm ntawv hauv cheeb tsam zej zos muaj kev kawm zoo nyob ze tsev. Tej zaud cov tsev kawm ntawv nov kuj muaj kev kawm thiab khoos kas lwm yam ntxiv.

Tej Yam Hauv Nov Yuav Hloov Thaum Twg Los Muaj	Sij Hawm Pib Sij Hawm Xaus	Pre-K	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv*
Cheeb Tsam A					
Frost Lake Elementary (PreK-5) spps.org/frost 651-293-8930	9:30 a.m. 4 p.m.	•	•		•
Hazel Park Preparatory Academy (PreK-8) spps.org/hazelpark 651-293-8970	9:30 a.m. 4 p.m.	•	•	•	
The Heights Community School (PreK-5) spps.org/heights 651-293-8815	8:30 a.m. 3 p.m.	•	•		
Cheeb Tsam B					
Battle Creek Elementary (PreK-5) spps.org/battlecreekel 651-744-4130	8:30 a.m. 3 p.m.	•	•		
Dayton's Bluff Achievement Plus (PreK-5) spps.org/daytonsbluff 651-293-8915	8:30 a.m. 3 p.m.	•	•		•
Eastern Heights Elementary (PreK-5) spps.org/eastern 651-293-8870	9:30 a.m. 4 p.m.	•	•		
Highwood Hills Elementary (PreK-5) spps.org/highwoodhills 651-744-3290	8:30 a.m. 3 p.m.	•	•	•	•
Cheeb Tsam C					
Bruce F. Vento Elementary (PreK-5) spps.org/vento 651-293-8685	8:30 a.m. 3 p.m.	•			
John A. Johnson Achievement Plus (PreK-5) spps.org/jaj 651-793-7300	8:30 a.m. 3 p.m.	•			
Cheeb Tsam D					
Cherokee Heights Elementary (4-5) spps.org/cherokeeheights 651-293-8610	8:30 a.m. 3 p.m.				•
Riverview West Side School of Excellence (PreK-5) spps.org/riverview 651-293-8665	8:30 a.m. 3 p.m.	•		•	
Cheeb Tsam E					
Chelsea Heights Elementary (K-5) spps.org/chelseaheights 651-293-8790	8:30 a.m. 3 p.m.		•		
Como Park Elementary (PreK-5) spps.org/comoel 651-293-8820	8:30 a.m. 3 p.m.	•	•		•
Galtier Community School (PreK-5) spps.org/galtier 651-293-8710	9:30 a.m. 4 p.m.	•	•	•	
Hamline Elementary (PreK-5) spps.org/hamline 651-293-8715	8:30 a.m. 3 p.m.	•	•		
St. Anthony Park Elementary (K-5) spps.org/stanthony 651-293-8735	8:30 a.m. 3 p.m.		•		

* Language Academy yog ib qho khoos kas rau cov Kawm Ntawv Askiv (ELL). Saib rau hauv phab 14 kom paub ntau ntxiv.

Cov Tsev Kawm Ntawv Hauv Cheeb Tsam Zej Zos

Tej Yam Hauv Nov Yuav Hloov Thaum Twg Los Muaj	Sij Hawm Pib Sij Hawm Xaus	Pre-K	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv*
Area F					
EXPO Elementary (PreK-5) spps.org/expo 651-290-8384	8:30 a.m. 3 p.m.	•	•		
Groveland Park Elementary (PreK-5) spps.org/groveland 651-293-8760	9:30 a.m. 4 p.m.	•	•		
Horace Mann School (K-5) spps.org/mann 651-293-8965	8:30 a.m. 3 p.m.		•		
Jackson Elementary (PreK-5) spps.org/jackson 651-293-8650	8:30 a.m. 3 p.m.	•	•		
Maxfield Elementary (PreK-5) spps.org/maxfield 651-293-8680	8:30 a.m. 3 p.m.	•	•	•	
Randolph Heights Elementary (K-5) spps.org/randolph 651-293-8780	9:30 a.m. 4 p.m.		•		

* Language Academy yog ib qho khoos kas rau cov Kawm Ntawv Askiv (ELL). Saib rau hauv phab 14 kom paub ntau ntxiv.

Cov Tsev Kawm Ntawv Uas Txais Tub Ntxhais Hauv Ob Peb Cheeb Tsam Ua Ke (Regional) thiab Cov Tsev Kawm Ntawv Uas Txais Tub Ntxhais Thoob Lub Nroog No (Magnet)

Cov tsev kawm ntawv Magnet muaj qhia cov cag txuj xws li nyeem ntawv, leb thiab keeb txuj nrog rau lwm yam kev kawm uas npaj tshwj xeeb. Feem ntau cov khoos kas no yeej muaj txij li qib K mus txog 12.

Tej Yam Hauv Nov Yuav Hloov Thaum Twg Los Muaj	Rau Cheeb Tsam No	Sij Hawm Pib Sij Hawm Xaus	Pre-K	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv*
Ya Nruab Ntug/Tsim Txua (Aerospace/Engineering) Qhia txog kev ya saum nruab ntug (aerospace) thiab kev tsim txua (engineering). Tej yam yuav tsum muaj thiaj kawm tau: Tsis muaj.						
Farnsworth Aerospace - PreK-4 Campus spps.org/farnsworth 651-293-8675	A-F	9:30 a.m. 4 p.m.	•	•		
Farnsworth Aerospace - 5-8 Campus spps.org/farnsworth 651-293-8880	A-F	9:30 a.m. 4 p.m.		•		
Ntawv thiab Kev Lis Kev Cai Qhab Asmesliskas Qhia txog cov neeg Qhab Asmesliskas tus cag liv xwm, kev lis kev cai, kos duab, keeb kwm thiab tej yam tseem ceeb rau lawv haiv neeg. Tej yam yuav tsum muaj thiaj kawm tau: Yuav tsum muaj kev txaus siab rau cov neeg Qhab Asmesliskas cov kev lis kev cai.						
American Indian Magnet (PreK-8) spps.org/aims 651-778-3100	A-F	9:30 a.m. 4 p.m.	•	•		
BioSMART Qhov khoos kas kawm bioscience nrog technology rau txhua yam kev kawm. Tej yam yuav tsum muaj thiaj kawm tau: Tsis tas muaj dab tsi.						
Wellstone Elementary (PreK-5) spps.org/wellstone 651-290-8354	A-F	9:30 a.m. 4 p.m.	•	•		
Capitol Hill Gifted & Talented Nov yog ib qho khoos kas kawm ntawv rau cov tub ntxhais kawm ntawv uas pom tias kawm tau ntawv zoo. Tej yam yuav tsum muaj thiaj kawm tau: Twv koog tsev kawm ntawv tus xeeb, xws li Cognitive Abilities Test (CogAt 7) rau qib 1 txog 5.						
Capitol Hill Gifted & Talented (1-8) spps.org/capitolhill 651-325-2500	A-F	8:30 a.m. 3 p.m.		•		
French Immersion Cov tub ntxhais yuav kawm txuj los ntawm kev siv lus Fab Kis qhia kom lawv txawj nyeem, sau thiab hais tau lus Fab Kis thiab paub Fab Kis tej kev lis kev cai. Tej yam yuav tsum muaj thiaj kawm tau: Twv tus xeeb lus Fab Kis nkag rau qhov khoos kas no (qib 2 thiab rov saud).						
L'Étoile du Nord – Lower Campus (PreK-1) spps.org/frenchimmersion 651-221-1480	A-F	9:30 a.m. 4 p.m.		•		
L'Étoile du Nord – Upper Campus (2-5) spps.org/frenchimmersion 651-221-1480	A-F	9:30 a.m. 4 p.m.		•		

* Language Academy yog ib qho khoos kas rau cov Kawm Ntawv Askiv (ELL). Saib rau hauv phab 14 kom paub ntau ntxiv.

Cov Tsev Kawm Ntawv Uas Txais Tub Ntxhais Hauv Ob Peb Cheeb Tsam Ua Ke (Regional) thiab Cov Tsev Kawm Ntawv Uas Txais Tub Ntxhais Thoob Lub Nroog No (Magnet)

Tej Yam Hauv Nov Yuav Hloov Thaum Twg Los Muaj	Rau Cheeb Tsam No	Sij Hawm Pib Sij Hawm Xaus	Pre-K	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv*
Hmong/English Dual Language Cov tub ntxhais Asmesliskas thiab Hmoob yuav kawm txuj los ntawm kev siv ob yam lus qhia. Tej yam yuav tsum muaj thiaj kawm tau: Yuav tsum kawm rau hauv chav siv ob yam lus qhia (Hmoob thiab Askiv) thiab twv tus xeeb lus Hmoob nkag rau qhov khoos kas no (qib 2 thiab rov saud).						
Jackson Elementary (PreK-5) spps.org/jackson 651-293-8650	C (Sab hnuv poob ntawm kev 35E), D, E, F	8:30 a.m. 3 p.m.	•	•		
Phalen Lake Hmong Studies (PreK-5) spps.org/phalenslake 651-293-8935	A, B, C (Sab hnuv tuaj ntawm kev 35E)	8:30 a.m. 3 p.m.	•	•		•
International Baccalaureate (IB) Ib tug khoos kas raws cai uas qhia ntawv ceev rau cov tub ntxhais kawm ntawv kom lawv dhau tau los ua ib cov pej xeeb nquag. Tej yam yuav tsum muaj thiaj kawm tau: Tsis tas muaj dab tsi. Cov kawm tus khoos kas Primary Years Programme (qib K-5) yuav mus kawm rau qhov Middle Years Programme thaum kawm rau theem nrab.						
Benjamin E. Mays IB World School (PreK-5) spps.org/mays 651-325-2400	A, B, C, E, F	8:30 a.m. 3 p.m.	•	•	•	
Hazel Park Preparatory Academy (PreK-8) Authorized IB PYP / IB MYP spps.org/hazelpark 651-293-8970	A, B	9:30 a.m. 4 p.m.	•	•	•	
Highland Park Elementary (PreK-5) spps.org/highlandel 651-293-8770	D, F	9:30 a.m. 4 p.m.		•		
Mandarin Immersion Qhia ntawv Suav Madarin kom cov tub ntxhais kawm ntawv txawj nyeem, sau thiab txawj hais lus Suav Mandarin thiab paub lawv tej kev lis kev cai. Tej yam yuav tsum muaj thiaj kawm tau: Twv tus xeeb lus Suav nkag rau qhov khoos kas no (qib 2 rov saud).						
Jie Ming Mandarin Immersion Academy (K-5) spps.org/jieming 651-744-4770	A-F	9:30 a.m. 4 p.m.		•	•	
Montessori Qhia kom txhua txhia tus tub ntxhais kawm ntawv paub lawv tus peev xwm, qhov yuav tsum tau kev pab, qhov nws nyiam thiab tus qauv kawm los ntawm Montessori lub tswv yim. Tej yam yuav tsum muaj thiaj kawm tau: Tsis tas muaj dab tsi.						
Cherokee Heights Elementary (PreK-3) spps.org/cherokeeheights 651-293-8610	D	8:30 a.m. 3 p.m.	•			•
Crossroads Montessori, year-round (PreK-5) spps.org/crossroads 651-767-8540	A-F	8:30 a.m. 3 p.m.	•	•	•	
J.J. Hill Montessori (PreK-5) spps.org/jjhill 651-293-8720	C (Sab hnuv poob ntawm kev 35E), D, E, F	8:30 a.m. 3 p.m.	•	•		
Nokomis Montessori - North (PreK-5) spps.org/nokomis 651-744-7440	A, C (Sab hnuv tuaj ntawm kev 35E)	9:30 a.m. 4 p.m.	•	•		
Nokomis Montessori - South (PreK-5) spps.org/nokomis 651-744-5500	B	9:30 a.m. 4 p.m.	•	•		
Preparatory School Kev qhia uas yog npaj cov tub ntxhais kawm ntawv mus kawm rau qib siab thiab kev kawm ntawv tom qab tiav theem siab. Tej yam yuav tsum muaj thiaj kawm tau: Tsis tas muaj dab tsi.						
Obama Elementary (PreK-5) spps.org/obama 651-293-8625	A-F	8:30 a.m. 3 p.m.	•	•	•	

* Language Academy yog ib qho khoos kas rau cov Kawm Ntawv Askiv (ELL). Saib rau hauv phab 14 kom paub ntau ntxiv.

Cov Tsev Kawm Ntawv Uas Txais Tub Ntxhais Hauv Ob Peb Cheeb Tsam Ua Ke (Regional) thiab Cov Tsev Kawm Ntawv Uas Txais Tub Ntxhais Thoob Lub Nroog No (Magnet)

Tej Yam Hauv Nov Yuav Hloov Thaum Twg Los Muaj	Rau Cheeb Tsam No	Sij Hawm Pib Sij Hawm Xaus	Pre-K	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv*
Science Kev kawm keeb txuj uas siv ob txhais tes los ua. Tej yam yuav tsum muaj thiaj kawm tau: Tsis tas muaj dab tsi.						
Crossroads Science, year-round (PreK-5) spps.org/crossroads 651-767-8540	A-F	8:30 a.m. 3 p.m.	•	•	•	
Spanish/English Dual Language Immersion Cov tub ntxhais uas hais lus Askiv thiab lus Mev yuav kawm txuj los ntawm kev siv ob hom lus qhia. Tej yam yuav tsum muaj thiaj kawm tau: Yuav tsum kawm hoob qhia ua ob hom lus xws li Mev thiab Askiv. Twv tus xeeb ua lus Mev nkag rau qhov khoos kas no (qib 2 rov saud).						
Riverview West Side School of Excellence (PreK-5) spps.org/riverview 651-293-8665	B, D, F	8:30 a.m. 3 p.m.	•		•	
Wellstone Elementary (PreK-5) spps.org/wellstone 651-290-8354	A, C, E	9:30 a.m. 4 p.m.	•	•		
Spanish Immersion Qhia ua lus Mev kom cov tub ntxhais kawm ntawv txawj nyeem, sau thiab txawj hais lus Mev thiab paub haiv neeg Mev tej kev lis kev cai. Tej yam yuav tsum muaj thiaj kawm tau: Kawm ob xyoos ntawv uas ua lus Mev qhia. Twv tus xeeb ua lus Mev nkag rau qhov khoos kas no (qib 2 rov saud).						
Adams Spanish Immersion Magnet (K-5) spps.org/adams 651-298-1595	A-F	9:30 a.m. 4 p.m.		•		
Visual and Performing Arts Muab kev tsim tej yam zoo nkauj thiab ua yeeb yam los kawm xyaw kev kawm ntawv kom cov tub ntxhais kawm ntawv muaj xuas tes ua thiab muaj tswv yim ua ub no rau hauv tsev kawm ntawv. Tej yam yuav tsum muaj thiaj kawm tau: Yuav tsum muaj kev txaus siab heev rau, los sis kam kawm tej ntawv thiab qhia tej yus xav tawm rau hauv kev kos duab thiab ua yeeb yam.						
Four Seasons Arts+ (PreK-5) spps.org/fourseasons 651-290-7595	A-F	8:30 a.m. 3 p.m.	•	•	•	•
Mississippi Creative Arts (PreK-5) spps.org/mcas 651-293-8840	A, B, C	9:30 a.m. 4 p.m.	•			•
Linwood Monroe Arts Plus - Lower Campus (PreK-4) spps.org/lmap 651-293-6606	D, F	9:40 a.m. 4:10 p.m.		•		•
Linwood Monroe - Upper Campus (5-8) spps.org/lmap 651-293-8690	D, F	9:30 a.m. 4 p.m.	•	•		•
Saint Paul Music Academy (PreK-5) spps.org/spmusicacademy 651-293-8795	A, B, C, E	8:30 a.m. 3 p.m.	•	•		•

* Language Academy yog ib qho khoos kas rau cov Kawm Ntawv Askiv (ELL). Saib rau hauv phab 14 kom paub ntau ntxiv.

Qhia Txog Cov Tsev Kawm Ntawv Theem Qis

Adams Spanish Immersion (K-5)

615 S. Chatsworth St. | spps.org/adams | 651-298-1595

Yog hais tias koj tab tom nrhiav ib lub tsev kawm ntawv kom pab koj tus me nyuam to taub txog lub ntiav teb no kom zoo dua, ces xaiv Adams Spanish Immersion. Nyob rau hauv peb lub tsev kawm ntawv, txoj kev kawm yam lus thib ob yog ib qho uas muaj nuj nqis heev rau peb cov tsev neeg, cov tub ntxhais kawm ntawv thiab neeg ua hauj lwm. Nyob rau qib K thiab qib 1, cov tub ntxhais kawm cov txuj xws li leb, nyeem ntawv, sau ntawv, txuj ci koom txoos thiab kev noj qab nyob zoo. Cov txuj nov yog ua lus Mev qhia. Pib txij qib ob mus, peb siv lus Askiv qhia ntawv rau cov tub ntxhais kawm ntawv li 30 mus rau 50 feeb txhua hnuv, ntxiv rau lwm yam kev kawm uas siv lus Mev qhia. Peb muaj cov txuj uas kawm los txhawb ntxiv rau cov cag txuj xws li keeb txuj, txuj tes, suab paj nruag, technology thiab kawm siv lub cev kom noj qab nyob zoo. Peb thov ua tsaug rau cov niam txiv thiab cov neeg zej zog, thiab cov neeg tuaj pab dej num dawb uas mob siab tuaj txhawb peb cov tub ntxhais kawm ntawv thiab xib hwb. Peb kuj muaj hmoo kawg uas tseem muaj cov xib hwb los sis Amity Interns uas yog neeg txum tim hais lus Mev tuaj pab qhia txog lawv tej kab lis kev cai thiab lus rau peb cov tub ntxhais kawm ntawv hauv txhua qib thiab. Tuaj ncig saib peb lub tsev kawm ntawv es nej thiaj pom txhua yam zoo uas tshwm sim nyob rau hauv peb lub tsev kawm ntawv.

Txoj hau kev kawm mus ntxiv: Adams > Highland Middle > Highland Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A-F	9:30 a.m. - 4 p.m.	•		

American Indian Magnet (PreK-8)

1075 E. Third St. | spps.org/aims | 651-778-3100

Peb lub tsev kawm ntawv yog tsim los ntawm cov txwj laus neeg thiab neeg zej zos lub zeem muag. Lawv lub hom phiaj yog qhia kom muaj kev to taub txog haiv neeg Qhab Asmesliskas thiab tos txais txhua hom tub ntxhais kawm ntawv kom muaj tub ntxhais kawm ntawv ntawm ntau haiv neeg tuaj kawm ua ke hauv tsev kawm ntawv. Peb muaj qhia txog keeb kwm ntawm haiv neeg Qhab Asmesliskas, lawv tej kev lis kev cai, txuj ci, tej uas lawv ib txwm ua los thiab tej yam uas muaj nuj nqis rau lawv haiv neeg. Peb muaj cov xib hwb tshwj xeeb uas qhia lus Lakota thiab Ojibwe thiab kev lis kev cai, nrog rau kev qhia siv lub cev kom noj qab nyob zoo thiab kos duab. Cov tub ntxhais kawm ntawv hauv theem nrab (qib 6-8) yuav tsum tau kawm hoob lus Lakota los sis Ojibwe, los npaj lawv rau txoj kev kawm txog Qhab Asmesliskas ntxiv mus nyob rau hauv Harding Senior High. Peb lub tsev kawm ntawv yuav txhawb cov niam txiv thiab zej zos txoj kev koom tes los ntawm cov rooj nthuav qhia txog kev lis kev cai, ntaus Nruas thiab Seev Cev thiab kev sib txoos powwows txhua hli, niam txiv-xib hwb kev kawm, thiab cov pluas su tshwj xeeb thawm xyoo. Cov tub ntxhais kawm ntawv yuav tau txais kev pab ntxiv los ntawm AVID, American Indian AVID (tsev kawm ntawv theem nrab), thiab ntau yam kev kawm tom qab lawb ntawv, xws li khoos kas Flipside, Indian Youth Enrichment, Urban 4-H, Extended Day for Learning (EDL) thiab kis las.

Txoj hau kev kawm mus ntxiv: American Indian > American Indian > Harding				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A-F	9:30 a.m. - 4 p.m.	•		

Battle Creek Elementary (PreK-5)

60 S. Ruth St. | spps.org/battlecreekel | 651-744-4130

Battle Creek Elementary cov tub ntxhais kawm ntawv yuav kawm kom muaj kev vam meej hauv tsev kawm ntawv thiab hauv lub neej los ntawm peb lub hom phiaj STEAM: Science, Technology, Engineering, Arts, thiab Mathematics. Peb lub tsev kawm ntawv nyob ze rau cov kev taug (trails) thiab hav iav ntawm Battle Creek Regional Park. Cov tub ntxhais kawm ntawv yuav muaj lub cib fim mus kawm txog tej yam uas ib txwm muaj tshwm sim. Peb txoj kev koom tes nrog Science from Scientists, Minneapolis Institute of Art, thiab STARBASE yog ib qho uas ua kom cov tub ntxhais kawm ntawv tau kawm tej yam ntsig txog lub neej tiag tiag kom lawv paub thiab txawj tshaj qhov qub. Ntxiv rau "STEAM time" hauv lawv cov chav kawm ntawv, cov tub ntxhais kawm ntawv kuj muaj lub cib fim mus kawm suab paj nruas thiab kawm siv lub cev kom noj qab nyob zoo thiab. Peb cov niam txiv yeej rau siab ntso tuaj pab npaj cov rooj koom txoos rau tsev neeg thiab nrhiav nyiaj txiag pab rau peb lub tsev kawm ntawv kom txaus siv rau lwm yam thiab tawm mus kawm sab nraud. Battle Creek Elementary yog ib lub tsev kawm ntawv uas zoo heev. Cov tub ntxhais kawm ntawv hauv nov yog ib co uas xav paub thiab rau siab ntso kawm los pab kom lub ntiav teb no yog ib qhov chaw zoo rau txhua leej txhua tus.

Txoj hau kev kawm mus ntxiv: Battle Creek Elementary > Battle Creek Middle > Harding				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
B	8:30 a.m. - 3 p.m.	•		

Qhia Txog Cov Tsev Kawm Ntawv Theem Qis

Benjamin E. Mays IB World School (PreK-5)

560 Concordia Ave. | spps.org/mays | 651-325-2400

Peb lub tsev kawm ntawv yog ib lub uas tau cai los kawm qhov khoos kas International Baccalaureate (IB)/Primary Years Programme (PYP). Benjamin E. Mays yuav txhawb cov tub ntxhais kawm ntawv kom lawv muaj lub laj lim tswv yim xav tob, sib txuas lus, tshawb fawb, nug thiab nqis tes ua hauj lwm pab lub ntiaj teb ib puag ncig lawv. Qhov khoos kas IB/PYP yuav sib zog pab kom cov tub ntxhais kawm ntawv pom thoob lub ntiaj teb thiab ua tau ib tug pej xeeb nquag los ntawm cov kev kawm nyuaj. Peb cov xib hwb tshwj xeeb yuav qhia ntawv Mev, qhia siv lub cev kom noj qab nyob zoo, kos duab thiab ntau yam ntxiv rau cov tub ntxhais kawm ntawv. Tshaj li tej kev kawm hauv lub sij hawm kawm ntawv, cov tub ntxhais kawm ntawv yuav kawm tau qhov khoos kas Freedom School Express li ib lim tiam ob zaug. Peb txoj kev koom tes nrog St. Paul Promise Neighborhood (SPPN) thiab lub Cultural Wellness Center yog ib qho uas ua rau peb muaj qhia txog kev lis kev cai rau peb cov tub ntxhais kawm ntawv thiab muaj kev pab cuam rau peb cov tsev neeg hauv lub Center for Families, Culture and Learning nyob rau hauv peb lub tsev kawm ntawv. Peb ntseeg hais tias kev sib koom tes ntawm tsev, tsev kawm ntawv, thiab lub zej zog yog ib qho tseem ceeb rau peb cov tub ntxhais txoj kev vam meej. Peb muaj txog qas pua tus neeg tuaj pab nyeem ntawv rau peb cov tub ntxhais kawm ntawv txhua xyoo, thiab peb cov niam txiv yog ib cov kev muaj zog heev rau hauv peb lub tsev kawm ntawv.

Txoj hau kev kawm mus ntxiv: Ben E. Mays > Hazel Park (A, B, C-East), Ramsey (C-West, E, F1) los sis Highland Mid (F2) > Harding (A, B, C-East), Central (C-West, E, F1) los sis Highland Senior (F2)				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A, B, C, E, F	8:30 a.m. - 3 p.m.	•	•	

Bruce F. Vento Elementary (PreK-5)

409 Case Ave. | spps.org/vento | 651-293-8685

Peb lub tsev kawm ntawv yog nyob rau hauv plawv ntawm sab hnuv tuaj hauv nroog Xees Phos. Nyob rau hauv peb lub tsev kawm ntawv cov tub ntxhais kawm ntawv yeej pib npaj rau tsev kawm ntawv qib siab rau thawj hnuv li lawm. Muaj tsev kawm ntawv qib siab cov chij dai nplawg ntia thiab cov neeg ua dej num hauv tsev kawm ntawv los txaus siab hlo rau lub tsev kawm ntawv qib siab uas lawv kawm tawm los, Bruce Vento Elementary hais ib lo lus muaj zog heev tias txoj kev mus kawm qib siab yog peb lub hom phiaj rau txhua tus tub ntxhais kawm ntawv. Txhua txhia chav kawm ntawv yeej koom tes nrog ib lub tsev kawm ntawv qib siab los sis university thiab muaj kawm txog lub tsev kawm ntawv qib siab ntawd. Cov tsev kawm ntawv qib siab thiab universities yuav cia cov tub ntxhais kawm ntawv mus saib lub tsev kawm ntawv qib siab los sis koom nrog cov tub ntxhais kawm ntawv ua tej tes num loj. Nyob hauv peb Chav Pab Cuam Rau Cov Tsev Neeg, peb koom tes nrog Eastside Family Center, lub University of Minnesota’s Children, Youth and Family Consortium thiab Second Harvest Heartland los txhawb cov tsev neeg thaum tsis nyob rau hauv tsev kawm ntawv. Ntxiv rau cov cag txuj, cov tub ntxhais kawm ntawv yuav tau txais kev txhawb siab los ntawm chav kawm keeb txuj, kev tsim txua, kawm txuj ci koom txoos, kawm txog tib neeg lub neej nyob koom txoos thiab kev sib raug zoo, txuj tsim ub no rau tib neeg saib thiab kawm siv lub cev kom noj qab nyob zoo. Cov tub ntxhais kawm ntawv yuav siv cuab yeej technology los pab rau txoj kev kawm, ua ntaub ntawv thiab nthuav qhia txog ntau yam uas lawv tau kawm. Peb lub hom phiaj yog pab kom txhua tus tub ntxhais muaj lub hauv paus txawj nyeem ntawv, sau ntawv, txawj leb thiab keeb txuj kom lawv npaj txhij mus kawm rau tsev kawm ntawv qib siab.

Txoj hau kev kawm mus ntxiv: Bruce Vento > Washington > Washington				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
C	8:30 a.m. - 3 p.m.			

Capitol Hill Gifted and Talented Magnet (1-8)

560 Concordia Ave. | spps.org/capitolhill | 651-325-2500

Nyuam qhuav xyoo tas los no xwb, Capitol Hills raug xaiv los ntawm Minnesota Department of Education los ua ib lub Rewards School rau qhov uas ua tau zoo heev rau lub xeev cov xeeb. Peb lub tsev kawm ntawv txhawb kom txhua tus tub ntxhais kawm ntawv sib zog kawm tej yam nyuaj raws li lawv tus zog, kev txaus siab thiab nyiam kawm kom lawv txawj tshaj qhov qub. Cov tub ntxhais muaj peev xwm kawm tau cov khoos kas suab paj nruas, xws li ntaus twj paj nruas, hu nkauj, ntaus paj nruas ua ke thiab ntaus Suzuki. Peb muaj kawm txog kev sib raug zoo thiab kev xav ntawm lub siab los ntawm tsib yam nov: kev paub txog tus kheej, kev txawj txiav txim siab, txawj tsim kev phooj ywg thiab paub txog kev sib raug zoo nrog lwm tus. Lwm yam kev kawm uas peb muaj thaum kawm ntawv los sis tom qab lawb ntawv yog muaj xws li, Model UN, Hnuv Liv Xwm, Nquam Toj Keeb Txuj, geography bee, sib cam tswv yim, Word Masters thiab ntau yam ntxiv. Cov xib hwb txawj qhia uas ua rau kev kawm keeb txuj, txuj tsim duab, yeeb yam, kawm siv lub cev kom noj qab nyob zoo thiab paj nruas lom zem kawg nyob rau hauv Capitol Hills. Txoj kev sib tw hauv zos, hauv xeev thiab thoob teb chaws yog ib qho txhawb kom peb cov tub ntxhais kawm tau ntawv zoo. Kev txais mus kawm rau qib 1-5 yog txais raws tus me nyuam txoj kev txawj ntse ntawm nws cov ntawv xeeb hauv qib K thiab qib 2. Qib 6 txog 8 tsis muaj qhov xeeb mus nkag.

Txoj hau kev kawm mus ntxiv: Capitol Hill > Capitol Hill > Highland Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A-F	8:30 a.m. - 3 p.m.	•		

Chelsea Heights Elementary (K-5)

1557 Huron St. | spps.org/chelseaheights | 651-293-8790

Peb lub tsev kawm ntawv yog ib lub tsev kawm ntawv me me uas muaj ntau yam kev kawm: xws li tua hneev nti, Lego robotics, Destination Imagination thiab rooj nthuav keeb txuj, ntawm no tsuas yog qhia txog qho me ntsis xwb. Peb lub tsev kawm ntawv nyob rau ntawm thaj chaw tsis nrhoo, Chelsea Heights tsi ntsees rau txoj kev qhia ntawv rau txhua txhia tus tub ntxhais kawm ntawv raws li qhov uas lawv kawm tau zoo tshaj. Peb muaj cov neeg hauv zos tuaj pab dawb xws li qhia ntawv thiab nyeem ntawv rau peb cov tub ntxhais kawm ntawv. Peb kuj muaj cov niam txiv uas nquag tuaj pab npaj cov rooj koom txoos thiab nrhiav nyiaj txiag los pab tsim kom muaj tej cib fim zoo thiab. Peb lub tsev kawm ntawv nyob rau ib sab ntawm Northwest Como Recreation Center, yog li cov niam txiv muaj peev xwm teev me nyuam npe mus koom rau tus khoos kas S'more Fun ua ntej los sis tom qab lawb ntawv. Chelsea Heights muaj kawm suab paj nruag, txuj tes thiab kawm siv lub cev kom noj qab nyob zoo nyob rau hauv ib qhov chaw uas tos txais zoo.

Txoj hau kev kawm mus ntxiv: Chelsea Heights > Murray > Como Park Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
E	8:30 a.m. - 3 p.m.	•		

Cherokee Heights Elementary (4-5)

694 Charlton St. | spps.org/cherokeeheights | 651-293-8610

Peb lub tsev kawm ntawv muaj ntau yam kev kawm nyob rau hauv cov chav kawm ntawv raws li ib txwm muaj rau cov tub ntxhais kawm ntawv nyob rau qib 4 txog 5. Peb lub tsev kawm ntawv ua koob tsheej thiab txhawb tag nrho tsev neeg koom rau me nyuam txoj kev kawm. Cov kev kawm ntawv ntxim siab thiab nyuaj yog ib qho uas txhawb kom tag nrho lub tsev kawm ntawv thiab txhua tus tub ntxhais rau siab kawm ntawv. Peb cov neeg ua dej num yeej mob siab sib zog txhawb txhua tus tub ntxhais kom lawv kawm tau ntawv. Cov tub ntxhais kawm ntawv hauv Cherokee Heights nyiam peb lub pas dej da hauv tsev kawm ntawv uas muaj qhia ua luam dej thaum mus kawm chav qhia siv lub cev kom noj qab nyob zoo. Yuav muaj sij hawm rau cov tub ntxhais kawm ntxiv tom qab lawb ntawv los ntawm cov khoos kas uas txhawb txoj kev sib koom tes, ua dej num ua ke thiab txhawb txoj kev txawj ntse kom txawj sib raug zoo dua qub.

Txoj hau kev kawm mus ntxiv: Cherokee Heights > Humboldt > Humboldt				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
D	8:30 a.m. - 3 p.m.			•

Cherokee Heights Elementary - Montessori (PreK-3)

694 Charlton St. | spps.org/cherokeeheights | 651-293-8610

Xws li yog ib lub tsev kawm ntawv Montessori nyob rau sab hnub poob, Cherokee Heights yog ib lub tsev kawm ntawv uas mob siab coj thiab qhia kom peb cov me nyuam kawm tau tej yam zoo heev. Nyob rau hauv peb cov chav kawm ntawv Montessori, cov me nyuam yuav kawm txog tej yam lawv txawj, nyiam thiab kawm tau. Los ntawm txoj kev uas muaj ob peb qib kawm ua ke hauv cov chav kawm ntawv, cov tub ntxhais kawm ntawv yuav tsim kev sib raug zoo nrog tib tug xib hwb thiab cov tub ntxhais kawm ntawv mus li ob los sis peb xyoos. Peb muaj kawm Pre-K txwm hnub los pab npaj cov me nyuam mus kawm rau qib K thaum ntxov. Pib txij li qib 1 mus, cov tub ntxhais kawm ntawv yuav kawm siv lub cev kom noj qab nyob zoo, thiab kawm ua luam dej hauv tsev kawm ntawv lub pas dej. Peb kuj muaj kawm tej yam tshwj xeeb xws li kos duab, siv lub cev kom noj qab nyob zoo, thiab keeb txuj rau tas nrho cov tub ntxhais kawm ntawv thiab. Peb muaj ib co khoos kas qhia ntawv dawb ntxiv tom qab lawb ntawv rau cov kawm qib K txog 5 thiab yuav pab txhawb kom cov tub ntxhais kawm ntawv txawj tsim kev sib raug zoo. Rau xyoo kawm ntawv 2018-19, peb qhov khoos kas Montessori yuav muaj qib Pre-K txog qib 3, thiab yuav ntxiv qib 4 txog 5 rau yav tom ntej.

Txoj hau kev kawm mus ntxiv: Cherokee Heights Montessori > Mam qhia tom qab > Mam qhia tom qab				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
D	8:30 a.m. - 3 p.m.			•

Como Park Elementary (PreK-5)

780 W Wheelock Pkwy | spps.org/comoel | 651-293-8820

Peb lub tsev kawm ntawv yog ib lub uas muaj ntau yam kev pab cuam zoo heev – nrog rau koog tsev kawm ntawv chav planetarium uas nyob rau hauv peb lub tsev kawm ntawv – peb lub tsev kawm ntawv nyob ze rau ntawm Como Park, uas yog ib lub tiaj ua si zoo nkauj heev. Yog li no, kev kawm txog tej uas ntuj tsim teb raug yog ib feem tseem ceeb rau peb lub tsev kawm ntawv. Peb lub tsev kawm ntawv muaj kev koom tes tsis tu ncu nrog rau Belwin Outdoor Science, Bakken Museum, Children’s Museum, Big River Journey, Como Zoo, Science from Scientists thiab YMCA Camp St. Croix. Peb cov tub ntxhais kawm ntawv kawm tau nce zoo rau kev nyeem ntawv thiab leb. Ntxiv rau cov cag txuj, peb cov me nyuam kawm ntawv mob siab rau txoj kev kawm STEM (keeb txuj, technology, txuj tsim ub no thiab leb), kos duab thiab kawm siv lub cev kom noj qab nyob zoo. Cov tub ntxhais kawm ntawv siv cuab yeej technology los pab txoj kev kawm, nrhiav yam uas xav paub, thiab qhia yam uas lawv kawm tau hauv ntau zaj los.

Txoj hau kev kawm mus ntxiv: Como Park Elementary > Murray > Como Park Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
E	8:30 a.m. - 3 p.m.	•		•

Qhia Txog Cov Tsev Kawm Ntawv Theem Qis

Crossroads Montessori, year-round (PreK-5)

543 Front Ave. | spps.org/crossroads | 651-767-8540

Crossroads Science yog tib lub tsev kawm ntawv hauv koog tsev kawm ntawv no uas muaj kawm thawm xyoo, kawm 45 hnuv ces so 15 hnuv. Tus qauv qhia ntawv Montessori yuav txhawb kom cov tub ntxhais kawm raws li qhov uas lawv xav paub txog lub ntiaj teb no. Cov xib hwb uas muaj ntaub ntawv tso cai los qhia ntawv rau khoos kas Montessori mam npaj qhov chaw kom haum txoj kev kawm mus raws li tus me nyuam nyiam thiab xav tau. Nyob rau hauv cov chav kawm ntawv, cov tub ntxhais kawm ntawv yuav siv tes los ua los kawm. Crossroads Montessori muaj kawm raws tus qauv Montessori nrog rau kev kawm txuj tes thiab cuab yeej technology. Nyob rau hauv cov chav kawm ntawv, cov tub ntxhais uas hnuv nyooq txawv yuav kawm ua ke kom ib leeg kawm tau ntawm ib leeg thiab tau txais txiaj ntsim los ntawm kev kawm nrog tib tug xib hwb mus li ob peb xyoos. Cov tub ntxhais kawm ntawv hauv qhov khoos kas Montessori no nyias yuav txawj mus nrhiav nyias yam ua, nyias txawj tswj nyias, txawj sib koom tes, tswj kev haum xeeb thiab paub txog kev ua pej xeeb hauv lub ntiaj teb.

Txoj hau kev kawm mus ntxiv: Crossroads Montessori > Parkway > Your Community High School				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A-F	8:30 a.m. - 3 p.m.	•	•	

Crossroads Science, year-round (PreK-5)

543 Front Ave. | spps.org/crossroads | 651-767-8540

Crossroads Science yog ib lub tsev kawm ntawv uas kawm thawm xyoo, kawm 45 hnuv ces so 15 hnuv. Peb zoo siab heev uas peb muaj tus khoos kas qhia keeb txuj, technology, kev tsim txua thiab leb (STEM) nyob rau hauv peb lub tsev kawm ntawv no! Peb muaj kawm STEM nrog rau txhua yam cag txuj thiab yog lub hauv paus rau txoj kev nyeem ntawv, sau ntawv thiab leb. Peb lub tsev kawm ntawv muaj tus khoos kas Inquiry Zone uas tshwj xeeb heev, nov yog peb chav kawm keeb txuj uas muaj txhua yam, thiab chav kawm txog kev tsim txua uas zoo heev. Inquiry Zone yog qhov khoos kas uas yuav cia cov tub ntxhais kawm ntawv tshawb kawm tej yam uas lawv nyiam txog keeb txuj thiab kev tsim txua. Nyob rau hauv chav kawm txog kev tsim txua, peb cov tub ntxhais kawm ntawv yuav xyaum daws teeb meem, npaj tswv yim rau kev daws teeb meem thiab ua tej yam nyuaj xws li tsim neeg hlau, luam tej duab 3D, coding thiab siv tes los tsim ub no. Nyob rau hauv chav kawm keeb txuj, cov tub ntxhais kawm ntawv yuav siv tes tshawb fawb thiab kawm txog txoj kab ke ua ub no kom muaj nyob mus ntxiv los ntawm kev siv peb qhov aquaponics system. Peb muaj ob chav kawm koos phis tawj thiab chav qiv ntawv uas zoo nkauj heev thiab pom kev zoo uas muaj ntau yam kev pab cuam. Peb muaj cov khoos kas kawm txuas ntxiv thiab cov kev kawm txhawb ntxiv, xam tas nrho qhov khoos kas kawm sab nraud thiab Lego League tib si.

Txoj hau kev kawm mus ntxiv: Crossroads Science > Humboldt (B, D, F) los sis Washington (A, C, E) > Humboldt (B, D, F) los sis Washington (A, C, E)				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A-F	8:30 a.m. - 3 p.m.	•	•	

Dayton's Bluff Achievement Plus (PreK-5)

262 Bates Ave. | spps.org/daytonsbuff | 651-293-8915

Peb lub tsev kawm ntawv nyob rau cheeb tsam uas muaj ntau haiv neeg nyob koom zej koom zos thiab nyob rau ib sab ntawm Dayton's Bluff Recreation Center, sab hnuv tuaj hauv nroog Xees Phos. Xws li yog ib lub tsev kawm ntawv Achievement Plus, Dayton's Bluff yog ib lub tsev kawm ntawv hauv zej zos uas muaj ntau yam kev pab thiab tsom ntsoov rau txoj kev txhawb kom cov tub ntxhais kawm tau puv ntoob. Peb lub tsev kawm ntawv thiab cov neeg koom tes hauv zej zos yuav ua hauj lwm ua ke los muab txoj kev pab cuam rau peb cov tub ntxhais kawm ntawv thiab cov tsev neeg kom lawv muaj kev vam meej tsis tu ncuu. Kev koom tes nrog cov neeg hauv peb lub zej zos ua rau peb muaj ntau yam kev pab xws li: kev pab rau tej yam yooj yim, khoos kas qhia ntawv tom qab lawb ntawv, kev coj qhia, kev pab rau kaus hniav, thiab kev pab rau lub hlwb kev xav. Cov xib hwb hauv peb lub tsev kawm ntawv yuav qhia kom cov tub ntxhais kawm ntawv txawj nug, daws teeb meem thiab kawm seb tej khoom ua hauj lwm li cas. Peb tus xib hwb uas qhia tsi ntsees rau ib yam txuj yuav pab kom cov tub ntxhais kawm ntawv to taub tias lawv txawj txog theem twg thiab paub tswj lawv txoj kev kawm loj hlob. Nrog rau cov chav kawm keeb txuj, txuj kos duab thiab kawm siv lub cev kom noj qab nyob zoo, txhua tus me nyuam yuav tau kawm cov cag txuj ntawv puv nkaus ib hnuv thiab lwm yam kev kawm.

Txoj hau kev kawm mus ntxiv: Dayton's Bluff > Battle Creek Middle > Harding Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
B	8:30 a.m. - 3 p.m.	•		•

Eastern Heights Elementary (PreK-5)

2001 Margaret St. | spps.org/eastern | 651-293-8870

Tsev kawm ntawv Eastern Heights nyob rau sab zej zos hnuv tuaj uas yog ib qhov chaw ntsiag to. Eastern Heights yog ib lub tsev kawm ntawv me me uas muaj lub siab loj thiab muaj kev saib xyuas zoo. Nyob rau hauv peb lub tsev kawm ntawv, tas nrho cov tub ntxhais kawm ntawv, tsis hais txawj rau theem twg, yeej muaj lub cib fim kawm kom loj hlob rau: kev koom xeeb, txawj xav, kev paub tab thiab lub cev. Peb cov xib hwb ua hauj lwm txhua hnuv los pab kom cov tub ntxhais kawm ntawv lub neej vam meej thiab kom sawv daws sib haum xeeb nyob rau hauv txhua txhia chav kawm ntawv los ntawm txoj kev sib cog phooj ywg. Tas nrho peb cov khoos kas, xws li kev kawm ntawv tshwj xeeb thiab kev kawm rau cov txawj nruab xib ntse nruab thiab, puav leej yog txhawb kom cov tub ntxhais kawm tau ntawm los ntawm txoj kev qhia raws li qhov uas txhua txhia tus me nyuam kawm tau.

Txoj hau kev kawm mus ntxiv: Eastern Heights > Battle Creek Middle > Harding Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
B	9:30 a.m. - 4 p.m.	•		

EXPO Elementary (PreK-5)

540 Warwick St. S | spps.org/expo | 651-290-8384

Expo yog ib lub tsev kawm ntawv uas tos txais zoo thiab yog ib qho chaw kaj siab uas muaj cov duab tub ntxhais kawm ntawv kos, pleev thiab yeess lo rau txhua phab tos txais txhua leej txhua tus uas tuaj rau hauv EXPO for Excellence. Expo yog ib lub tsev kawm ntawv uas muaj ntau yam kev kawm nrog rau ntau yam kev pab cuam. Peb muaj tus khoos kas “Looped Classrooms” uas cia cov tub ntxhais kawm ntawv nrog ib tug xib hwb tshaj li ib xyoo nyob rau qib 1-2 thiab qib 3-4 mam li mus rau qib tom ntej. Qhov no yog ib qho uas yuav pab tau txoj kev sib raug zoo ntawm cov tub ntxhais kawm ntawv thiab xib hwb. Nyob rau qib 5, peb muaj kev kawm ua thawj coj rau cov tub ntxhais kawm ntawv. Yog li no, lawv tes dej num yuav ntau dua qhov qub. EXPO muaj tus khoos kas qhia leeb ceev, kawm siv lub cev kom noj qab nyob zoo, thiab tus khoos kas qhia ntawv rau cov tub ntxhais kawm ntawv txawj nruab siab ntse nruab thiab. Tsis tas li ntawd, peb kuj muaj qhia txuj ci, keeb txuj thiab technology nrog rau kev kawm tsim qauv thiab – tej zaum cov tub ntxhais kawm ntawv yuav sau thiab tsim yeeb yam ib xyoo thiab yuav tsim tsheb ib xyoo. Peb cov niam txiv uas tuaj pab dawb yog cov uas tsim peb qhov chaw ua si nraum zoov (Treasure Island) rau cov tub ntxhais kawm ntawv. Lawv kuj yog cov uas tuaj tu thiab kho qhov chaw ua si ntawd thiab.

Txoj hau kev kawm mus ntxiv: EXPO > Ramsey (F1) los sis Highland Middle (F2) > Central (F1) los sis Highland Senior (F2)				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
F	8:30 a.m. - 3 p.m.	•		

Farnsworth Aerospace – Dual Campus (PreK-4 Campus – Lower)

PreK-4 Campus: 1290 Arcade St. | 651-293-8675 // 5-8 Campus: 1000 Walsh St. | 651-293-8880 | spps.org/farnsworth

Nyob rau Farnsworth, peb muaj kev kawm txog ya nruab ntug nyob rau hauv txhua phab ntawm peb cov kev kawm. Peb cov neeg ua hauj lwm yuav rau siab txhawb cov tub ntxhais txoj kev xav thiab kev sim kom paub qhov tseeb. Cov tub ntxhais kawm ntawv yuav koom tes ua tej pab pawg los daws cov teeb meem nyuab. Txhua txhia yam teeb meem uas lawv daws tau zoo yuav pab kom lawv muaj kev ruaj siab rau kev daws qhov teeb meem tom ntej. Lwm yam kev kawm thiab kev ua ub no uas peb muaj nyob rau hauv Farnsworth muaj xws li, ntaus suab paj nruag thiab kos duab, kawm tsav dav hlau, thiab mus ncig kawm sab nraud kom nthuav txoj kev nkag siab tob zog txog kev ya nruab ntug. Peb xav kom cov tsev neeg tuaj kawm ua ke rau cov rooj koom txoos xws li Aerospace thiab Engineering Night thiab lwm yam rooj koom txoos. Peb cov tub ntxhais kawm ntawv yuav vam meej los ntawm txoj kev txhawb siab, kev xav thiab kev rau siab ntso kawm.

Txoj hau kev kawm mus ntxiv: Farnsworth Lower > Farnsworth Upper > Johnson Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A-F	9:30 a.m. - 4 p.m.	•		

Four Seasons A+ Elementary (PreK-5)

318 Moore St. | spps.org/fourseasons | 651-290-7595

Peb cov tub ntxhais kawm ntawv yuav tshawb kawm txhua yam los ntawm tej txuj tsim ub no, leeb thiab keeb txuj tib si. Lawv rau siab kawm vim peb cov xib hwb muaj tswv yim qhia cov cag txuj ntawv. Peb muaj ib lub qhov txos ci lauj kaub av thiab ib chav seev cev, ua rau tub ntxhais kawm ntawv kawm tau los ntawm kev xuas tes ua kom kawm tau tej txuj tsim ub no. Txhua lub Rau Hli, txoj kev tsim ib qhov yeeb yam paj nruas ua rau txhua tus muaj ib tes hauj lwm tseem ceeb, txij li ua yeeb yam thiab hu nkauj mus rau tej kev tsim kom muaj. Peb zoo siab rau peb cov tsev neeg thiab zej zos siab zoo uas txhawb peb cov tub ntxhais kawm ntawv uas muaj tswv yim thiab rau siab.

Txoj hau kev kawm mus ntxiv: Four Seasons > Linwood Monroe (D, F) los sis Creative Arts (A, B, C, E) > Creative Arts				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A-F	8:30 a.m. - 3 p.m.	•	•	•

Frost Lake Elementary (PreK-5)

1505 E. Hoyt Ave. | spps.org/frost | 651-293-8930

Peb yuav npaj cov me nyuam niaj hnuv no mus rau cov hauj lwm yav pem suab uas tseem tsis tau muaj tshwm sim li. Peb yeej paub hais tias lawv yuav tsum muaj lub laj lim tswv yim txawj sib raug zoo mas lawv thiaj yuav sib koom tes tau nrog lwm tus, sib txuas lus, hloov mus los yooj yim, muaj tswv yim, thiab muaj peev xwm mus nrhiav kev qhia tshiab thiab to taub txog tej kev qhia tshiab ntawd. Txhua tus tub ntxhais kawm ntawv hauv Frost Lake yuav tau txais kev qhia ntawv los ntawm cov xib hwb uas sib pab qhia. Peb cov tub ntxhais kawm ntawv yuav siv iPads thiab lwm yam cuab yeej technology los mus koom thiab txhawb lawv txoj kev kawm. Tsis tas li ntawd, peb muaj ib qho khoos kas qhia keeb txuj, kev ncaj ncees, kos duab thiab kawm siv lub cev kom noj qab nyob zoo. Peb cov neeg ua dej num txhua tus yog ib co qauv zoo rau peb cov tub ntxhais kawm ntawv: los ntawm kev qhia kom cov tub ntxhais muaj tus cwj pwm sib hwm, siab dawb siab zoo thiab ua zoo rau lwm tus. Nyob rau hauv Frost Lake, peb nseeg hais tias txhua yam kev kawm ntawm theem qis (elementary) yog kev pab kom txhua tus tub ntxhais kawm ntawv loj hlob muaj tswv yim thiab muaj peev xwm kawm yav tom ntej.

Txoj hau kev kawm mus ntxiv: Frost Lake > A Neighborhood Middle School > Johnson Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A	9:30 a.m. - 4 p.m.	•		•

Qhia Txog Cov Tsev Kawm Ntawv Theem Qis

Galtier Community School (PreK-5)

1317 Charles Ave. | spps.org/galtier | 651-293-8710

Txij li kev tsim duab yeeb yaj kiab hauv iPads mus rau txuj tsim duab coj mus dai rau hauv ib lub khw haus kas fes hauv zos, peb cov tub ntxhais kawm ntawv yuav tau ua tej yam uas tseem yog yav pem suab, rau hnuv no. Cov tub ntxhais kawm ntawv muaj peev xwm yuav saib xyuas tau lawv txoj kev kawm los ntawm peb qhov chaw kawm ntawv "Learning Studios". Learning Studios yog ib cov chaw rau cov tub ntxhais kawm ua tej pab pawg raws li lawv txoj kev txawj thiab tsis yog raws li qib. Qhov chaw kawm ntawv no muaj cov chaw kawm ntawv zoo rau txoj kev sib koom tes. Chav Exploratorium, uas yog peb chaw kawm ntawv loj yuav muab lub cib fim rau cov tub ntxhais kawm ntawv xuas tes xyaum tej cuab yeej technology, kawm kom muaj tswv yim thiab kawm ua ub no. Peb yuav txhawb kom cov tub ntxhais kawm ntawv qhia tau tias lawv to taub yam uas lawv kawm los ntawm kev siv iPads, ua yeeb yam, kos duab, qhia yam lawv ua tau thiab ntxiv mus. Peb muaj kev koom tes nrog rau University of Minnesota. Lawv cov tub ntxhais uas kawm los ua xib hwb yuav pab peb tsim tej ncauj ke qhia ntawv tshiab. Peb muaj cov neeg ua dej num uas paub zoo txog peb lub tsev kawm ntawv thiab mob siab pab kom peb cov tub ntxhais rau siab kawm ntawv, txhua yam no yog nyob rau hauv tib qhov chaw uas muaj kev sib txhawb sib pab.

Txoj hau kev kawm mus ntxiv: Galtier > Murray > Como Park Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
E	9:30 a.m. - 4 p.m.	•	•	

Groveland Park Elementary (PreK-5)

2045 St. Clair Ave. | spps.org/groveland | 651-293-8760

Peb lub tsev kawm ntawv me me tab sis nws muaj txhua yam kev kawm ib yam li ib lub tsev kawm ntawv loj uas nyob rau hauv nroog loj. Peb txoj kev koom tes nrog cov tsev kawm ntawv qib siab thiab cov koom haum hauv zos xws li Saint Paul Chamber Orchestra CONNECT Program ua rau peb muaj peev xwm muab tau ntau yam kev kawm zoo rau peb cov tub ntxhais kawm ntawv. Peb muaj qhov khoos kas Discovery Club thiab S'more Fun uas zov me nyuam ua ntej thiab tom qab lawb ntawv. Qhov khoos kas Extended Day for Learning (EDL) muaj qhia ntawv, ntaus suab paj nruag ua ke, Lego League thiab lwm yam kev kawm txhawb ntxiv, thiab muaj qhia lus Mev nyob rau qhov khoos kas ua ntej pib kawm ntawv. Txhua xyoo, Groveland pawg niam txiv yeej pab nrhiav nyiaj xiaj los ntiav neeg tuaj qhia txuj rau cov tub ntxhais kawm ntawv. Nyob rau txhua lub caij nplooj ntoos zeeg, peb cov tub ntxhais uas kawm nyob rau qib tsib yuav muaj tawm mus kawm nyob rau ib lub chaw sab nraud ze Ely, Minnesota. Cov xib hwb qhia kos duab, keeb txuj thiab siv lub cev kom noj qab nyob zoo yuav muab txoj kev kawm zoo heev rau tas nrho cov tub ntxhais kawm ntawv hauv Groveland.

Txoj hau kev kawm mus ntxiv: Groveland > Ramsey (F1) los sis Highland Middle (F2) > Central (F1) los sis Highland Senior (F2)				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
F	9:30 a.m. - 4 p.m.	•		

Hamline Elementary (PreK-5)

1599 Englewood Ave. | spps.org/hamline | 651-293-8715

Peb lub tsev kawm ntawv nyob rau hauv plawv koog zej zos Hamline Midway uas zoo thiab muaj ntau hom neeg. Tsev Kawm Ntawv Hamline Theem Qis muaj kev tos txais sov so rau cov tub ntxhais kawm ntawv, niam txiv, thiab lub zej zos. Peb yog ib lub tsev kawm ntawv uas muaj kev pab cuam puv ntoob. Nyob rau hauv peb lub tsev kawm ntawv nov peb muaj ib chaw kev pab rau tsev neeg. Qhov kev pab no yog pab kom tsis txhob muaj tej yam uas ua rau kawm tsis tau ntawv kom muaj txoj kev vam meej nyob rau hauv tsev kawm ntawv. Peb txoj kev koom tes nrog lub Tsev Kawm Ntawv Hamline University, uas yog tib hom nov nyob rau hauv lub teb chaws xwb, xa ze li ntawm 100 tus neeg tuaj pab qhia ntawv thiab pab tswj hauv chaw kawm ntawv thiab qhia txoj hau kev mus kawm rau hauv lub university ntawd. Cov tub ntxhais yuav tau kawm ntawv los ntawm cov xib hwb uas txawj qhia ntawv nyob rau hauv chaw thiab cov xib hwb tshwj xeeb uas qhia rau fab kos duab, keeb txuj, kawm siv lub cev kom noj qab nyob zoo, thiab technology. Peb yuav muaj kawm tej chaw tsis coob kom txhua tus muaj lub cib fim kawm tau raws tus kheej lub peev xwm rau hauv txhua theem. Cov tub ntxhais kawm ntawv yuav muaj lub caij kawm kom paub ntxiv los ntawm cov khoos kas tom qab lawb ntawv xws li kev siv pob yas dhos ua neeg hlau, kawm paj nruas, thiab cov khoos kas sib koom rau hauv lub tsev ua si Hancock Recreation Center. Tsev Kawm Ntawv Hamline Theem Qis muaj cov kev kawm zoo heev nyob rau hauv lub zos vam meej uas tub ntxhais kawm ntawv muaj peev xwm yuav pib tau txoj kev kawm, kev sib pab, thiab tej kev npau suav loj rau yav tom ntej.

Txoj hau kev kawm mus ntxiv: Hamline > Murray > Como Park Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
E	8:30 a.m. - 3 p.m.	•		

Hazel Park Preparatory Academy (PreK-8)

1140 White Bear Ave. | spps.org/hazelpark | 651-293-8970

Nyob rau hauv Hazel Park peb yuav txhawb kom txhua tus tub ntxhais kawm ntawv kawm kom nto plaws lawv tus peev xwm los ntawm kev tshawb kawm tej yam uas tshwm sim rau lub ntiaj teb. Kev uas yog ib lub tsev kawm ntawv rau cov khoos kas xyoo qis International Baccalaureate Primary Years Programme thiab cov khoos kas xyoo nrab Middle Years Programme, peb yuav qhia kom cov tub ntxhais kawm ntawv pom dav txog lub ntiaj teb. Peb yuav qhia kom cov tub ntxhais kawm ntawv qhib siab kawm tej yam nyuaj los ntawm kev sib tham thiab ua tej pab pawg kawm. Hazel Park muaj kawm ntawv Mev, kos duab, suab paj nruas thiab kawm siv lub cev kom noj qab nyob zoo. Txhua tus tub ntxhais kawm ntawv yuav tau kev txawj los ntawm kev kawm technology, mus kawm sab nraud, qhia tej seem uas ua rau lawv kawm tau thiab txaus siab kawm. Muaj kawm kis las rau cov tub thiab ntxhais tom qab lawb ntawv. Cov xib hwb yuav sib koom tes ua hauj lwm nrog rau cov tsev neeg, vim peb paub hais tias txoj kev sib koom tes yog qhov yuav ua tau ib pab vij txhua tus me nyuam kom muaj kev sib pab thiab txhawb zog.

Txoj hau kev kawm mus ntxiv: Hazel Park > Hazel Park > Harding Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A, B	9:30 a.m. - 4 p.m.	•	•	

The Heights Community School (PreK-5)

1863 E. Clear Ave. | spps.org/heights | 651-293-8815

Peb lub tsev kawm ntawv tsim muaj qhov chaw uas mob siab pab los ntawm txoj kev sib koom tes nrog cov tsev neeg thiab lub zej zos kom txhua tus tub ntxhais tau txoj kev kawm zoo. Peb muaj cov kev kawm los txhawb ntxiv rau cov cag txuj xws li kev kawm keeb txuj, suab paj nruas thiab kawm siv lub cev kom noj qab nyob zoo. Cov tub ntxhais kawm ntawv los kuj tau txais kev txhawb los ntawm kev kawm ntau yam thiab xws li kev kawm ntawv tshwj xeeb thiab peb qhov khoos kas tom qab lawb ntawv uas yog Extended Day for Learning (EDL). Lwm yam kev kawm uas npaj los kom pab tau cov me nyuam txoj kev txawj muaj xws li ntau lub club thiab kev sib tw: Lego League, chess club, thiab Destination Imagination. Nyob rau hauv zej zos Xees Phos Sab Hnub Tuaj, peb lub tsev kawm ntawv uas zoo nkauj heev muaj cib fim zoo rau txhua tus.

Txoj hau kev kawm mus ntxiv: The Heights > A Neighborhood Middle School > Johnson Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A	8:30 a.m. - 3 p.m.	•		

Highland Park Elementary (PreK-5)

1700 Saunders Ave. | spps.org/highlandel | 651-293-8770

Highland Park Elementary yog ib lub tsev kawm ntawv uas muaj qhov khoos kas International Baccalaureate (IB) Primary Years Programme (PYP). Peb cov tub ntxhais kawm ntawv yuav xyaum xav thiab nqis tes daws tej teeb meem uas muaj tshwm sim nyob rau hauv lub ntiaj teb thaum lawv tshawb tej yam teeb meem nyuaj, nqis tes daws teeb meem thiab rov saib tej uas lawv tau kawm lawd. Peb muaj kawm lus Suav (Mandarin Chinese), kos duab thiab kawm siv lub cev kom noj qab nyob zoo. Ntxiv qhov nov, peb yuav txhawb kom cov tub ntxhais kawm ntawv muaj lub laj lim tswv yim xav tob txog kev kawm keeb txuj los ntawm kev nug thiab tshawb kawm teeb meem. Tsis tas li ntawd, peb muaj cov khoos kas qhia txuj tes uas txhawb kom cov tub ntxhais kawm ntawv kub siab rau kev tsim duab thiab ua yeeb yam thiab. Lwm yam kev kawm muaj xws li ntaus suab paj nruas, strings, hu nkauj ua ke, Math Masters, spelling bee, geography bee, Lego League, Minnesota Renewable Energy Team, thiab ua tej pab pawg tshawb tej yam kev txaus siab thiab kev sib sau ua ke. Tas nrho peb cov neeg ua hauj lwm yeej txaus siab hlo txhawb kom txhua tus tub ntxhais kawm ntawv muaj kev vam meej, thiab muab lub cib fim rau txhua tus kom lawv pom tias lawv yog ib co pej xeem nyob rau hauv lub zej lub zos, lub teb chaws, thiab lub ntiaj teb.

Txoj hau kev kawm mus ntxiv: Highland Elementary > Ramsey (F1) los sis Highland Middle (D, F2) > Central (F1) los sis Highland				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
D, F	9:30 a.m. - 4 p.m.	•		

Highwood Hills Elementary (PreK-5)

2188 Londin Lane | spps.org/highwoodhills | 651-744-3290

Cov tub ntxhais yuav kawm tau zoo nyob rau hauv peb lub tsev kawm ntawv vim peb lub tsev kawm ntawv yog ib lub uas tsis ntshoo thiab muaj kev saib xyuas zoo. Peb muaj kev txhawb nqa rau fab kev sib raug zoo thiab txoj kev kawm. Txoj kev qhia yuav mus raws li me nyuam tus peev xwm, thiab peb teeb tus qauv kawm siab rau tas nrho cov tub ntxhais kawm ntawv. Peb muaj cov hoob kawm txhawb ntxiv rau cov cag txuj xws li keeb txuj thiab kawm siv lub cev kom noj qab nyob zoo, thiab kev txhawb nqa rau fab nyeem ntawv thiab leb. Cov hoob nov yog qhia los ntawm cov xib hwb tshwj xeeb. Peb muaj ib chav kawm sau ntawv, nyeem ntawv thiab ua leb tshiab hu ua LEAP (Learn, Explore, Apply, Present). Tsis yog Highwood Hills pab cov tub ntxhais kawm ntawv xwb, tiam sis muaj chav kawm, kev koom txoos thiab kev ua ub no rau cov tsev neeg tom qab lub sij hawm tsis muaj kawm ntawv thiab. Los ntawm txoj kev sib koom nrog tub ntxhais kawm ntawv, niam txiv thiab cov neeg ua hauj lwm, peb lub tsev kawm ntawv muaj txoj kev tos txais zoo txhawb txhua tus tub ntxhais kawm ntawv kom muaj peev xwm kawm tau ntawv.

Txoj hau kev kawm mus ntxiv: Highwood Hills > Battle Creek Middle > Harding Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
B	8:30 a.m. - 3 p.m.	•	•	•

Qhia Txog Cov Tsev Kawm Ntawv Theem Qis

Horace Mann School (K-5)

2001 Eleanor Ave. | spps.org/mann | 651-293-8965

Peb lub tsev kawm ntawv yog ib lub tsev kawm ntawv cheeb tsam uas nyob ze ntawm vaj ntawm tsev. Peb cov tub ntxhais kawm ntawv yeej muaj kev kaj siab lug thaum lawv tuaj kawm ntawv rau hauv peb lub tsev kawm ntawv. Peb cov xib hwb qhia ntawv yog ib co muaj lub laj lim tswv yim zoo uas muaj peev xwm tig tau txoj kev kawm los ua kom lom zem kom cov tub ntxhais kawm tau zoo. Txawm yog pib kawm qib K thawj hnuv xwb los peb yeej ntseeg tau hais tias cov tub ntxhais yeej yuav kawm tau ntawv zoo mus deb xwb. Peb cov tub ntxhais kawm ntawv uas tseem yau yuav kawm tau los ntawm cov hlob vim hais tias cov hlob yog ib co ua qauv zoo rau lawv, lawv yog cov uas coj qhia cov yau nyob rau hauv peb lub tsev kawm ntawv no. Cov niam txiv thiab neeg zej zog los kuj mob siab txhawb peb lub tsev kawm ntawv heev thiab. Lawv kuj tuaj pab cov xib hwb thiab pab qhia ntawv rau peb cov tub ntxhais kawm ntawv, thiab nrhiav nyiaj txiag los pab them rau peb cov kws txuj uas tuaj sab nraud tuaj, kev tawm mus kawm sab nraud thiab ntau yam dej num tshwj xeeb. Peb muaj lwm cov neeg tuaj pab txhawb peb lub tsev kawm ntawv Horace Mann kom yog ib qhov chaw zoo kawm ntawv: xws li cov tub ntxhais uas tuaj hauv cov tsev kawm ntawv qib siab tuaj, cov laus uas so dej num lawm thiab cov tub lag luam uas nyob ze ib ncig.

Txoj hau kev kawm mus ntxiv: Horace Mann > Ramsey (F1) los sis Highland Middle (F2) > Central (F1) los sis Highland Senior (F2)				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
F	8:30 a.m. - 3 p.m.	•		

Jackson Elementary - Community School (PreK-5)

437 Edmund Ave. | spps.org/jackson | 651-293-8650

Nyob zoo! Tsev kawm ntawv Jackson Elementary ntseeg tias me nyuam yog yam thib ib rau txhua tus. Peb cov xib hwb, niam txiv, cov neeg koom tes hauv zej zos thiab Xees Phos Promise Neighborhood Initiative yuav mob siab txhawb txhua tus tub ntxhais kawm ntawv rau qhov zoo. Peb muaj ob chav koos phis tawj thiab muaj iPads rau txhua tus xib hwb thiab tub ntxhais kawm ntawv siv, peb siv cuab yeej technology qhia ntawv txhua hnuv kom cov tub ntxhais kawm tau ceev nyob rau hauv chav thiab sab nraud. Muaj cov xib hwb tshwj xeeb uas qhia keeb txuj, paj nruas, kawm siv lub cev kom noj qab nyob zoo, thiab ntawv Hmoob thiab kev cai los txhawb rau peb cov cag txuj. Txhua tus tub ntxhais kawm ntawv yuav muaj lub cib fim kawm txog lawv tej kev lis kev cai, lus, liv xwm thiab kab ke nrog rau txoj kev kawm txog Hmoob thoob plaws lub tsev kawm ntawv.

Txoj hau kev kawm mus ntxiv: Jackson > Ramsey (F1) los sis Highland Mid (F2) > Central (F1) los sis Highland Senior (F2)				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
F	8:30 a.m. - 3 p.m.	•		

Jackson Elementary - Hmong/English Dual Language Immersion (PreK-5)

437 Edmund Ave. | spps.org/jackson | 651-293-8650

Qhov Khoos Kas Hmoob Dual Language hauv Jackson muaj qhia ntawv rau txhua qib, xws li qib Pre-K txog 5. Cov tub ntxhais kawm ntawv yuav kawm cov cag txuj los ntawm kev siv ob hom lus. Txhua xyoo, thaum cov tub ntxhais kawm ntawv nce mus rau qib tom ntej, lawv yuav paub ntawv Hmoob thiab ntawv Askiv heev zuj zus tuaj. Peb qhov Khoos Kas Hmoob Dual Language no yog muaj rau txhua tus tub ntxhais kawm ntawv - cov tub ntxhais kawm ntawv txum tim hais lus Askiv thiab txum tim hais lus Hmoob tib si.

Txoj hau kev kawm mus ntxiv: Jackson > Washington > Washington				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
C (Sab hnuv poob ntawm kev 35E), D, E, F	8:30 a.m. - 3 p.m.	•		

Jie Ming Mandarin Immersion Academy (K-5)

1845 Sheridan Ave. | spps.org/jieming | 651-744-4770

Jie Ming Mandarin Immersion Academy yog ib lub tsev kawm ntawv uas ua tau zoo tshaj nyob rau hauv peb lub xeev no. Peb lub tsev kawm ntawv muaj qhia tas nrho cov cag txuj ua lus Suav Mandarin xws li keeb txuj, technology, kev tsim txua thiab leb. Peb cov neeg ua hauj lwm yuav mob siab pab txhawb kom muaj cov pej xeeb uas paub txog ntau yam kev lis kev cai nyob rau hauv lub ntiag teb. Cov tub ntxhais kawm ntawv yuav txawj lus Suav Mandarin zoo thiab txawj txog los sis tshaj cov qauv uas teev tseg rau cov kawm ua lus Askiv nkaus xwb. Peb zoo siab rau peb cov me nyuam txoj kev kawm tau ntawv: zaum tas los no 100 feem pua ntawm peb cov me nyuam kawm qib peb thiab plaub xeeb dhau tus txuj MCA uas yog xeeb leb. Feem ntau ces yog qhia ua lus Suav rau cov kawm qib K thiab qib ib. Qib 2 txog 5 los thooj li ntawv thiab, lawv puav leej kawm ua lus Suav ntau, tiam sis lawv kuj tau kawm ua lus Askiv qhia ntev li 50 feeb txhua hnuv rau hauv chav kawm ntawv Askiv thiab. Jie Ming yog ib chav ntawm 300 tawm chav Confucius nyob hauv lub teb chaws no; University of Minnesota chav Confucius Institute txhawb lub tswv yim tshiab los qhia thiab kawm ntawv Suav thiab kev lis kev cai.

Txoj hau kev kawm mus ntxiv: Jie Ming > Highland Middle > Highland Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A-F	9:30 a.m. - 4 p.m.	•	•	

J. J. Hill Montessori (PreK-5)

998 Selby Ave. | spps.org/jjhill | 651-293-8720

Cov tub ntshais kawm ntawv hauv J. J. Hill yuav xuas tes xyaum ua kiag los tsim txoj kev xav tob thiab daws tej teeb meem tiag tiag uas tshwm rau hauv ntiaj teb nrog kev qhia los ntawm Montessori cov xib hwb uas kawm tawm los. Peb muaj cov tub ntshais uas hnuv nyoog sib txawv kawm ntawv ua ke, cov tub ntshais kawm ntawv yuav muaj caij tsim kev sib raug zoo nrog tib tug xib hwb thiab tib pab me nyuam kawm ntawv hauv tib chav mus li ob peb xyoos. Txoj kev kawm Montessori yuav qhia ntawv rau txhua txhia tus me nyuam los ntawm txoj kev txhawb kom lawv txawj xav txawj sib raug zoo thiab txhawb lawv rau txoj kev kawm nyuab. Peb lub tswv yim yog tsi ntsees rau txoj kev sib koom tes, kev txuas rau tej uas ntuj tsawb teb tsim, thiab xam tas nrho txhua tus. Niam txiv thiab xib hwb lub koom haum PTO yog ib lub koom haum uas pab nrhiav nyiaj txiag los pab rau ntau yam kev kawm xws li kev tawm mus kawm sab nraud los txhawb rau txoj kev kawm hauv tsev kawm ntawv theem qis.

Txoj hau kev kawm mus ntxiv: J.J. Hill > Parkway > Your Community High School				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
C (Sab hnuv poob ntawm kev 35E), D, E, F	8:30 a.m. - 3 p.m.	•		

John A. Johnson Achievement Plus (PreK-5)

740 York Ave. | spps.org/jaj | 651-793-7300

Nyob rau hauv John A. Johnson Achievement Plus (JAJ) peb yog ib co neeg koom tes uas mob siab txhawb kom tas nrho cov tub ntshais kawm tau ntawv zoo. John A. Johnson yog ib lub tsev kawm ntawv "Achievement Plus" mas txhais tau tias peb muaj txoj kev kawm, kev ua si, kev noj qab nyob zoo, thiab lwm yam kev pab cuam nyob tag nrho rau hauv tib qhov chaw nov. Peb yuav koom tes nrog peb cov neeg pab dawb thiab neeg hauv zej zos kom muaj cov kev pab xws li pab kuaj hniav, kuaj mob thiab pab kev puas hlwb, kev cai lij choj, pab qhia ntawv, nrhiav tsev nyob thiab pab nrhiav hauj lwm nyob rau hauv tsev kawm ntawv. Lub hom phiaj ntawm txhua yam kev pab cuam uas peb muaj hauv peb lub tsev kawm ntawv yog yuav los tshem kom tau tej uas ua rau peb cov tub ntshais kawm tsis tau ntawv raws li lawv tus peev xwm. Nyob rau hauv JAJ, peb ntseeg tias txoj kev sib koom tes zoo yog ib qho uas pab kom muaj qhov chaw zoo, muaj kev sib pab thiab sib raug zoo rau peb cov tub ntshais kawm ntawv. Cov tub ntshais kawm ntawv, cov tsev neeg, neeg ua hauj lwm thiab cov neeg koom tes hauv zej zos rau siab ntso koom tes rau cov tub ntshais txoj kev kawm thiab kev kawm tau zoo los ntawm txoj kev sib koom coj.

Txoj hau kev kawm mus ntxiv: John A. Johnson > Washington > Washington				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
C	8:30 a.m. - 3 p.m.			

L'Etoile du Nord French Immersion – Dual Campus (PreK-5)

Lower (PreK-1): 1305 Prosperity Ave. | Upper (2-5): 1760 Ames Place | 651-221-1480 | spps.org/frenchimmersion

Luag yeej ib txwm hais tias yam lus thib ob yog ib qho khoom plig zoo tshaj plaws uas niam txiv muaj peev xwm muab tau rau me nyuam. L'Etoile du Nord French Immersion (LNFI) yog ib lub tsev kawm ntawv uas thiaj li muaj txoj kev kawm uas siv lus Fab Kis qhia nyob rau hauv nroog Xees Phos no nkaus xwb. Peb lub hom phiaj yog yuav pab kom tas nrho peb cov tub ntshais kawm ntawv txawj hais thiab to taub lus Fab Kis thaum tiav qib tsib. Dhau ntawd, lawv yuav muaj peev xwm kawm ntawv Fab Kis txuas ntxiv mus nyob rau theem nrab thiab theem siab (high school). Peb tus khoos kas no, sawv daws kuj nyiam heev, peb thiaj tau siv ob lub tuam tsev los qhia ntawv (two campuses) lawm. Nyob rau hauv LNFI, peb yeej paub hais tias yuav tsum siv ib zog los pab mas thiaj yuav tau; vim li no peb cov niam txiv hauv zej zos thiaj li rau siab ntso koom tes rau txhua yam uas peb ua. Peb muaj cov neeg ua dej num coob tus uas yog neeg txum tim hais lus Fab Kis, peb thiaj muaj cov kev kawm zoo heev rau peb cov tub ntshais kawm ntawv.

Txoj hau kev kawm mus ntxiv: L'Etoile > Ramsey > Central				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A-F	Lower: 9:30 a.m. - 4 p.m. Upper: 9:40 a.m. - 4:10 p.m.	•		

Qhia Txog Cov Tsev Kawm Ntawv Theem Qis

Linwood Monroe Arts Plus - Dual Campus (PreK-8)

Lower (PreK-4): 1023 Osceola Ave; 651-293-6606 | Upper (5-8): 810 Palace Ave; 651-293-8690 | spps.org/lmap

Peb lub tsev kawm ntawv muaj kev kawm zoo rau qib Pre-K txog 8 nyob rau ob qhov chaw kawm ntawv. Peb cov tub ntxhais kawm ntawv nrog peb nyob ntev dua txij lawv thawj hoob mus txog ntua rau tsev kawm ntawv theem nrab, Linwood Monroe Arts Plus yog lub hauv paus rau txoj kev kawm kom muaj tswv yim thiab tshawb kawm txog txuj tsim ub no. Pib qib K-4 hauv lub Lower Campus mus, cov me nyuam yuav txaus siab rau qhov uas lawv yog ib tug uas nkag rau txoj kev kawm txuj tsim ub no thiab kawm tias txoj kev txawj tsim ub no yog peb qhov tshwj xeeb thiab muaj zog. Cov tub ntxhais kawm ntawv yuav mus kawm qib 5 rau lub Upper Campus kom lawv hloov tau yooj yim mus kawm qib 6 hauv peb tus khoos kas theem nrab. Nyob rau hauv tsev kawm ntawv theem nrab, cov tub ntxhais kawm ntawv yuav kawm npaj hom phiaj rau tus kheej, kev koom xeeb thiab kev kawm ntawv. Cov kev kawm mus ceev, xyaum ua thawj coj, kis las thiab cov khoos kas tom qab lawb ntawv yuav txhawb tau cov hluas rau thaum lawv txais dej num tshiab thiab kawm cov ntawv uas nyuaj zuj zus rau tom ntej. Peb cov khoos kas artist-in-residence yog cov khoos kas uas ntiav ntau hom kws txuj sab nraud tuaj qhia txuj rau peb cov tub ntxhais kawm ntawv hauv txhua qib; cov tub ntxhais kawm ntawv yuav kawm seev cev flamenco, ntaus nruas Taiko, hais paj huam thiab ntau yam ntxiv. Cov tub ntxhais kawm ntawv yuav kawm lawv cov txuj tsim ub no tshiab ntxiv mus thiab coj los qhia rau hnuv Friday uas sawv daws tuaj ua ke, nov yog ib qho uas ib lim tiam muaj txoos ib zaug rau peb cov kws txuj hluas uas tsim ub no kom lawv sib raug zoo.

Txoj hau kev kawm mus ntxiv: Linwood Monroe > Linwood Monroe > Creative Arts				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
D, F	9:30 a.m. - 4 p.m.	•		•

Maxfield Elementary (PreK-5)

380 N. Victoria St. | spps.org/maxfield | 651-293-8680

Maxfield Elementary twb ua hauj lwm pab rau zej zos tau muaj 125 xyoos lawm, thiab txhua xyoo peb lub tsev kawm ntawv muaj zog zuj zus tuaj los ntawm cov tsev neeg thiab lub zej zos txoj kev koom tes. Nyob hauv Maxfield peb cov xib hwb yuav ua kom paub txhua tus tub ntxhais kawm ntawv txoj kev xav paub, txaus siab thiab kev xav es txhawb kom lawv mob siab kawm puv ntoob. Peb cov tub ntxhais kawm ntawv yuav tau kawm puv ntoob rau txhua yam kev kawm, xws li kawm kom txawj nyeem ntawv thiab sau ntawv, txawj npaj thiab tsim ub no. Peb zoo siab rau cov niam txiv uas tuaj xyuas lawv cov me nyuam chav kawm ntawv, cov tsev neeg uas tuaj koom tej peb muaj, thiab cov neeg uas tuaj pab dawb thiab neeg zej zos uas tuaj pab cov tub ntxhais kawm ntawv lub cajj thaum kawm ntawv thiab tom qab lawb ntawv. Tshaj plaws txhua yam, Maxfield yog ib lub zej zos uas sib koom tes pab kom peb cov me nyuam vam meej.

Txoj hau kev kawm mus ntxiv: Maxfield > Ramsey (F1) los sis Highland Middle (F2) > Central (F1) los sis Highland Senior (F2)				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
F	8:30 a.m. - 3 p.m.	•	•	

Mississippi Creative Arts (PreK-5)

1575 L'Orient St. | spps.org/mcas | 651-293-8840

Lub hom phiaj ntawm peb lub tsev kawm ntawv yog los muab txoj kev kawm zoo rau cov tub ntxhais kawm ntawv los ntawm kev siv tswv yim zoo. Mississippi Creative Arts yog thawj lub tsev kawm ntawv uas muaj txuj tsim ub no zoo heev hauv Xees Phos. Peb ntseeg hais tias txuj tsim ub no yog qhov tseem ceeb rau txoj kev kawm tau ntawv zoo thiab kev loj hlob ntawm peb cov tub ntxhais kawm ntawv. Txhua tus tub ntxhais kawm ntawv yuav tau kawm txuj tsim ub no los ntawm kev kawm paj nruas, seev cev thiab ua yeeb yam nrog rau kev kawm cov cag txuj xws li nyeem ntawv, sau ntawv, leb thiab keeb txuj tib si. Peb cov xib hwb nyiam lawv tes dej num heev thiab lawv feem coob los kuj yog ib co kws txuj tsim ub no thiab. Los ntawm txoj kev koom tes nrog peb cov neeg hauv zej zos, cov tub ntxhais kawm ntawv yuav muaj lub cib fim mus koom tes rau kev kawm txuj ntawm cov xib hwb uas tuaj sab nraud tuaj, ua yeeb yam thoob plaws zos thiab mus saib lub Ordway Center, Saint Paul Chamber Orchestra, Minneapolis Institute of Arts thiab Children's Theatre Company. Peb kuj zoo siab uas muaj tus khoos kas ArtCeleration thiab. Nov yog ib tug khoos kas kawm ceev uas tsim los pab rau cov tub ntxhais uas muaj lub siab xav kawm txog kev tsim txuj ub no ntxiv. Cov tub ntxhais kawm qib 4 thiab 5 kuj yuav muaj lub cib fim los kawm tej kev txawj ntse uas lawv xav tau rau yam txuj uas lawv nyiam los ntawm cov kws txuj uas muaj ntau ntawv pov thawj qhia thiab. Peb muaj kev kawm thiab ua si tom qab lawb ntawv nyob rau hauv peb lub tsev kawm ntawv thiab lub McDonough Recreation Center los kuj nyob ze, mus ko taw ib pliag xwb txog lawm. Peb tos txais txhua tus tuaj rau hauv Mississippi Creative Arts thiab peb txaus siab heev rau peb qhov khoos kas txuj tsim ub no thiab cov tsev neeg thiab neeg zej zos uas mob siab hlo txhawb nqa.

Txoj hau kev kawm mus ntxiv: Mississippi > Creative Arts > Creative Arts				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A, B, C	9:30 a.m. - 4 p.m.			•

Nokomis Montessori Elementary - Mirror Campus (PreK-5)

North: 985 Ruth St; 651-744-7440 | South: 525 White Bear Ave. N; 651-744-5500 | spps.org/nokomis

Nokomis Montessori yog ib lub tsev kawm ntawv nyob rau sab hnuv tuaj hauv nroog Xees Phos uas muaj ob lub tuam tsev (campuses) zoo heev. Ob lub tuam tsev no puav leej qhia ntawv rau qib PreK txog 5. Cov tub ntxhais kawm ntawv uas nyob rau Cheeb Tsam A los sis Cheeb Tsam C (sab hnuv tuaj ntawm kev 35E) mus kawm rau North Campus. Cov tub ntxhais kawm ntawv uas nyob rau Cheeb Tsam B mus kawm rau South campus. Peb lub tsev kawm ntawv yog ib lub uas qhia ntawv raws tus qauv Montessori. Cov tub ntxhais nyob rau ob peb qib yuav kawm ua ke nyob rau hauv ib chav, lawv yuav kawm qeeb thiab ceev raws li lawv muaj peev xwm, lawv tus kheej yuav siv lawv rab peev xwm kawm tej yam uas lawv nyiam. Cov xib hwb yuav ua twb zoo npaj thiab pab cov tub ntxhais xaiv lawv txoj kev kawm nyob rau hauv ib qho chaw thaj yeeb nyab xeeb; cov tub ntxhais kawm ntawv yuav siv ntau yam cuab yeej zoo nkauj los pab txhawb lawv txoj kev kawm kom lawv to taub txog cov txuj tes thiab ntsiab lus uas lawv kawm. Peb cov xib hwb qhia ntawv yog ib co kawm tawm los uas muaj ntau ntawv pov thawj los qhia ntawv raws tus qauv Montessori thiab siv lub laj lim raws Montessori los coj lawv txoj kev qhia ntawv. Nokomis Montessori muaj ib lub koom haum PTA uas muaj ntau yam kev koom tes pub rau cov tsev neeg txhua xyoo kom muaj kev sib raug zoo xws li PTA Fall Festival, Hmoob Noj Tsiab Peb Caug, PTA Family Craft Night, thiab Fun Fair.

Txoj hau kev kawm mus ntxiv: Nokomis > Parkway > Your Community High School				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
Gaum Teb – Cheeb Tsam A, C (Sab hnuv tuaj ntawm kev 35E)	9:30 a.m. - 4 p.m.	•		
Gab Teb – Cheeb Tsam B				

Obama Elementary (PreK-5)

707 Holly Ave. | spps.org/obama | 651-293-8625

Nyob rau hauv Tsev Kawm Ntawv Obama Theem Qis, peb txhawb txhua tus tub ntxhais kawm ntawv los ua thawj coj los ntawm cov kev kawm nyuab thiab kev sib koom tes. Peb zoo siab hlo siv tus qauv School-wide Enrichment Model los txhawb kom peb cov tub ntxhais kawm ntawv txawj thiab paub tshaj qhov qub. Lawv yuav xaiv kawm yam uas lawv nyiam xws li keeb txuj, kos duab thiab kis las, nov tsuas yog qhia me ntsis xwb. Peb cov tub ntxhais kawm ntawv yuav txaus siab rau kev kawm txog ntau yam kab ke xws li lawv tej keeb kwm, kev lis kev cai thiab kev pab ntawm lawv tej poj koob yawg koob. Cov tub ntxhais kawm ntawv yuav npaj los ua thawj coj nyob rau hauv peb lub zej zos los ntawm kev kawm cov cag txuj nrog rau kev tawm mus kawm sab nraud thiab lwm yam kev kawm lom zem. Tsev Kawm Ntawv Obama Theem Qis yeej sib koom tes nroos nrog cov tsev neeg los pab kom cov tub ntxhais kawm ntawv vam meej. Tuaj saib qhov chaw kawm txuas lus (media) uas zoo nkauj tshaj plaws hauv tsev kawm ntawv theem qis, nyob rau hauv koog tsev kawm ntawv no. Peb lub hom phiaj rau txoj kev kawm, kev kawm txhawb ntxiv, kev koom tes ntawm cov tsev neeg thiab neeg zej zos yog qhov uas ua rau Obama yog ib lub tsev kawm ntawv uas zoo heev.

Txoj hau kev kawm mus ntxiv: Obama > Your Community Middle School > Your Community High School				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A-F	8:30 a.m. - 3 p.m.	•	•	

Phalen Lake Hmong Studies (PreK-5)

1089 Cypress St. | spps.org/phalenlake | 651-293-8935

Zoo siab tos txais! Phalen Lake Hmong Studies yog ib lub tsev kawm ntawv muaj ntau yam kev kawm thiab ntau yam ub no ua uas cov tub ntxhais kawm ntawv rau siab ntso rau yam uas lawv kawm txhua hnuv. Peb yuav txhawb kom txhua tus tub ntxhais kawm ntawv muaj txoj kev txawj ntse los mus pab lub zej lub zos thiab ua tau ib feem ntawm peb lub zej zog uas muaj ntau haiv neeg nyob koom txoos. Cov tub ntxhais kawm ntawv yuav tshawb kawm txog kab ke haiv neeg, lus, keeb kwm, dab neeg, kos duab, ntau ntawv thiab kab lis kev cai ntawm ntau haiv neeg nrog rau kev kawm tshwj xeeb txog haiv neeg Hmoob. Phalen Lake yuav npaj kom cov tub ntxhais kawm ntawv dhau los ua ib co neeg muaj kev ruaj siab thiab muaj tswv yim zoo txawj xav uas nrhiav kev txawj ntse los pab kom to taub zoo zog txog peb lub ntiaj teb uas sawv daws muaj kev sib thooj.

Txoj hau kev kawm mus ntxiv: Phalen Lake > Your Community Middle School > Your Community High School				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A, B, C (sab hnuv tuaj ntawm kev 35E)	8:30 a.m. - 3 p.m.	•		•

Qhia Txog Cov Tsev Kawm Ntawv Theem Qis

Phalen Lake Hmong Studies - Hmong/English Dual Language Immersion (Dual Language) (K-5)

1089 Cypress St. | spps.org/phalenlake | 651-293-8935

Zoo siab tos txais! Phalen Lake Hmong Studies yog ib lub tsev kawm ntawv muaj ntau yam kev kawm thiab ntau yam ub no ua uas cov tub ntxhais kawm ntawv rau siab ntso rau yam uas lawv kawm txhua hnuv. Peb yuav txhawb kom txhua tus tub ntxhais kawm ntawv muaj txoj kev txawj ntse los mus pab lub zej lub zos thiab ua tau ib feem ntawm pab lub zej zog uas muaj ntau haiv neeg nyob koom txoos. Los ntawm kev tshwj xeeb uas kawm ntawv Hmoob, cov tub ntxhais kawm ntawv yuav muaj caij kawm kev lis kev cai, liv xwm, dab neeg, kos duab, nyeem ntawv thiab keeb kwm ntawm ntau yam kev lis kev cai. Peb qhov khoos kas immersion yuav pub cov tub ntxhais kawm ntawv los ntawm ob hom lus, xws li Askiv thiab Hmoob. Cov tub ntxhais yuav kawm kom txawj thiab muaj tswv yim to taub, txawj hais, txawj nyeem thiab sau tau lwm hom ntawv, thiab txawj hwm lwm hom kev lis kev cai. Phalen Lake yuav npaj kom cov tub ntxhais kawm ntawv dxaug los ua ib co neeg muaj kev ruaj siab thiab muaj tswv yim zoo txawj xav uas nrhiav kev txawj ntse los pab kom to taub zoo zog txog pab lub ntiaj teb uas sawv daws muaj kev sib thooj.

Txoj hau kev kawm mus ntxiv: Phalen Lake > Battle Creek Middle > Harding Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A, B, C (sab hnuv tuaj ntawm kev 35E)	8:30 a.m. - 3 p.m.	•		•

Randolph Heights Elementary (K-5)

348 S. Hamline Ave. | spps.org/randolph | 651-293-8780

Peb lub tsev kawm ntawv yog ib lub nyob rau hauv zej zos uas twb ua tau muaj 100 xyoo lawm. Peb muaj kev sib raug zoo heev nrog cov neeg zej zog. Cov niam txiv thiab cov tsev neeg uas mob siab txhawb nqa pab yog cov uas ua rau pab haj yam muaj kev sib raug zoo nrog cov neeg zej zog tuaj. Peb muaj cov neeg pab dawb coob tus tuaj pab cov tub ntxhais uas kawm qib K txog 2 nyob rau hauv pab lub koom haum book club. Peb cov tsev neeg yuav pab ua tau rau zej zos zoo siab, txhawb txoj kev tawm mus kawm sab nraud thiab lwm yam kev kawm. Nyob rau hauv pab tus qauv cag txuj siab, cov tub ntxhais kawm ntawv yuav paub ntau yam tsim nyog txog txuj ci koom txoos, keeb txuj, ntaub ntawv, leb thiab txuj ci tsim ub no. Cov tub ntxhais kawm ntawv yuav kawm siv technology, tsim duab, suab paj nruas, kawm siv lub cev kom noj qab nyob zoo, thiab kev kawm txhawb txuj ci thiab kawm cov hoob uas qhia ntawv ceev. Peb zoo siab heev rau pab chav qiv ntawv, uas ib xyoo twg muaj tshaj li 40,000 phau ntawv tshiab.

Txoj hau kev kawm mus ntxiv: Randolph Heights > Ramsey (F1) los sis Highland Mid (F2) > Central (F1) los sis Highland Senior (F2)				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
F	9:30 a.m. - 4 p.m.	•		

Riverview West Side School of Excellence - Community School (PreK-5)

160 Isabel St. E. | spps.org/riverview | 651-293-8665

Tsev kawm ntawv West Side School of Excellence zoo siab uas tau yog ib lub tsev kawm ntawv hauv zej zos rau sab hnuv poob. Tej uas pab nyuam qhuav kho muaj xws li ib qhov chaw ua si tshiab, kho cov technology kom tshiab tuaj thiab kho cov qhov rais kom loj zoo nkauj tuaj. Thaum kawm ntawv rau hauv lub xyoo, pab cov tub ntxhais kawm ntawv yuav npaj kom txhij mus ua pej xeem ntiaj teb rau thaj chaw uas muaj ntau yam kev lis kev cai. Peb yuav sib zog txhawb kom cov tub ntxhais kawm tau ntawv zoo nyob rau hauv ib qhov chaw uas muaj kev saib xyuas zoo thiab muaj ntau haiv neeg. Cov kev kawm tom qab lawb ntawv muaj xws li kev pab rau fab kev kawm, kev ua si chess, kos duab thiab suab paj nruag. Peb cov neeg zej zos nrog pab koom tes pab kom cov tub ntxhais vam meej thawm xyoo los ntawm kev kawm suab paj nruag txhua lim tiam ntawm MacPhail Center for Music, kawm txuj tsim ub no ntawm cov xib hwb hauv Ordway Theatre thiab nkauj nog ncas (violin) ntawm Greater Twin Cities Youth Symphonies tom qab lawb ntawv.

Txoj hau kev kawm mus ntxiv: Riverview > Humboldt > Humboldt				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
D	8:30 a.m. - 3 p.m.		•	

Riverview West Side School of Excellence - English/Spanish Dual Language Immersion (PreK-5)

160 Isabel St. E. | spps.org/riverview | 651-293-8665

Nyob rau hauv plawv zej zos Sab Hnuv Poob hauv Xees Phos yog lub tsev kawm ntawv West Side School of Excellence. Peb lub tsev uas nyuam qhuav kho ua rau cov qhov rais loj pom kev nraum zoo los rau hauv tsev, kho cov technology kom tshiab tuaj thiab nyuam qhuav ua tau ib qhov chaw ua si tshiab. Peb yuav sib zog txhawb kom cov tub ntxhais kawm ntawv muaj txoj kev kawm zoo thiab kev lis kev cai nyob rau hauv tsev kawm ntawv. Peb qhov khoos kas ob hom lus Spanish-English immersion yuav npaj kom cov uas ib txwm hais lus Askiv thiab Mev hais tau npliag rau ob hom lus. Peb lub hom phiaj yog pab kom cov tub ntxhais kawm ntawv txawj nyeem, sau, mloog thiab hais tau lus Askiv thiab lus Mev. Thaum kawm ntawv rau hauv lub xyoo, pab cov tub ntxhais kawm ntawv yuav kawm ua pej xeem ntiaj teb nyob rau hauv ib qhov chaw uas muaj ntau haiv neeg los ntawm kev ib leeg kawm txog ib leeg thiab lwm haiv neeg. Peb cov neeg zej zos nrog pab koom tes pab kom cov tub ntxhais vam meej thawm xyoo los ntawm kev kawm suab paj nruag txhua lim tiam ntawm MacPhail Center for Music, kawm txuj tsim ub no ntawm cov xib hwb hauv Ordway Theatre thiab nkauj nog ncas (violin) ntawm Greater Twin Cities Youth Symphonies tom qab lawb ntawv.

Txoj hau kev kawm mus ntxiv: Riverview > Highland Park Middle > Highland Park Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
B, D, F	8:30 a.m. - 3 p.m.		•	

Saint Paul Music Academy (PreK-5)

27 E. Geranium Ave. | spps.org/spmusicacademy | 651-293-8795

Suab paj nruag yog ib hom lus uas sawv daws paub nyob rau hauv peb lub tsev kawm ntawv: nyob rau qib Pre-K, kindergarten, qib 1 thiab 2, txhua tus tub ntxhais kawm ntawv yuav tau kawm ntaus nkauj nog ncas, hu nkauj thiab ntaus keyboard. Cov tub ntxhais kawm qib 3 txog qib 5 muaj peev xwm xaiv tau mus kawm ntaus twj paj nruas ua ke nrog pab tub ntxhais ntaus suab paj nruag los sis band, thiab kawm ntaus koos African. Peb cov tub ntxhais kawm ntawv muaj cov rooj ntaus suab paj nruag rau sawv daws mloog thawm niaj thawm xyoo, xam tas nrho lub rooj ntaus suab paj nruag thaum lub caij ntuj no thiab lub caij nplooj ntoos hlaw uas yog ob lub uas loj tshaj plaws. Ntxiv rau suab paj nruag, peb muaj kawm keeb txuj, technology thiab qhia siv lub cev kom noj qab nyob zoo, nov yog ib cov kev kawm txhawb ntxiv rau cov cag txuj. Xws li yog ib lub tsev kawm ntawv Achievement Plus, peb kuj muaj cov kev pab cuam rau tub ntxhais kawm ntawv thiab lawv tsev neeg thiab, xws li pab nrhiav tsev thiab nrhiav hauj lwm, kuaj hniav, thiab lwm yam kev pab.

Txoj hau kev kawm mus ntxiv: SPMA > Creative Arts > Creative Arts				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A, B, C, E	8:30 a.m. - 3 p.m.	•		•

St. Anthony Park Elementary (K-5)

2180 Knapp St. | spps.org/stanthony | 651-293-8735

St. Anthony Park yog ib lub tsev kawm ntawv National Blue Ribbon School of Excellence rau xyoo 2017, uas raug qhuas los ntawm U.S. Department of Education rau qhov uas cov tub ntxhais kawm ntawv kawm tau zoo heev. Nyob rau lub caij nplooj ntoos zeeg 2018, peb yuav muab peb lub tsev kawm ntawv kho dua kom pab tau coob tug tub ntxhais kawm ntawv dua yav tas los. Peb yog ib lub tsev kawm ntawv hauv zej zos tsis yog vim thaj chaw ntawm nov, tiam sis yog vim hais tias peb cov niam txiv, cov tsev neeg, neeg zej zos, tub ntxhais kawm ntawv, thiab neeg ua hauj lwm sawv daws sib koom tes pab txhawb mas peb lub tsev kawm ntawv thiaj vam meej tsis tu ncu. Nov yog ib qhov chaw rau cov tub ntxhais tuaj kawm kom txawj, uas muaj cov laus pab txaub thiab txhawb nqa lawv. Peb muaj ib co kws txuj tshwj xeeb uas qhia keeb txuj, kev kawm siv lub cev kom noj qab nyob zoo, kos duab thiab suab paj nruag. Nov yog ib co txuj uas kawm txhawb ntxiv rau cov cag txuj. Cov tsev neeg thiab neeg zej zog yog cov tuaj pab kom cov tub ntxhais kawm ntawv tau tawm mus kawm ntxiv rau sab nraud, ntiav cov kws txuj sab nraud tuaj qhia txuj, nthuav txuj (concerts), school forest, thiab lwm yam kev kawm ntau. Peb lub rooj nthuav keeb txuj txwm xyoo thiab hmo muaj lub rooj keeb txuj rau tsev neeg yog qhov uas peb cov tub ntxhais kawm ntawv nyiam. Peb muaj txog qas pua tus neeg tuaj pab dawb thawm xyoo, xws li pab rau lub Fall Festival, Art Adventure, koom haum khiav, hnub sib tw khiav, tsev neeg tuaj noj mov ua si tom tshav puam (family picnic), thiab lub rooj nthuav txuj thaum lub caij nplooj ntoos hlaw. Nyob rau txhua txhia qib, peb siv me nyuam yaus cov phau ntawv los sib tham txog thiab ua kev zoo siab txog tej yam uas peb muaj tsis sib thooj, thiab saib xyuas kom txhua tus me nyuam mloog li lawv muaj nqi. Peb lub tsev kawm ntawv muaj kev sib koom tes nrog lub zej lub zos thiab ntseeg hais tias peb yuav ua tau tej yam zoo heev los ntawm txoj kev uas sawv daws sib koom tes.

Txoj hau kev kawm mus ntxiv: St. Anthony Park > Murray > Como Park Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
E	8:30 a.m. - 3 p.m.	•		

Wellstone Elementary - English/Spanish Dual Language Immersion (PreK-5)

1041 Marion St. | spps.org/wellstone | 651-290-8354

Nyob rau hauv Wellstone cov tub ntxhais kawm ntawv kawm nyeem, sau, hais thiab mloog ntawv Mev thiab Askiv tib si. Peb lub tsev kawm ntawv yog tis npe raws Senator Paul Wellstone thiab nws tus poj niam Sheila. Peb muaj ib chav qiv ntawv zoo heev uas muaj ntawv Mev thiab Askiv nyeem tib si. Peb lub hom phiaj yog qhia kom cov tub ntxhais kawm ntawv txawj ntawv thiab txawj lus Mev thiab Askiv tib si thiab pom txog lub ntiaj teb thiab taub lwm yam kev lis kev cai. Peb cov xib hwb thiab neeg ua hauj lwm yuav rau siab ntso txhawb kom cov tub ntxhais kawm ntawv paub txog kev ua thawj coj thiab muaj lub cib fim kawm suab paj nruag, kos duab, seev cev, thiab ua yeeb yam.

Txoj hau kev kawm mus ntxiv: Wellstone > Highland Park Middle > Highland Park Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A, C, E	9:30 a.m. - 4 p.m.	•		

Wellstone Elementary - BioSMART (PreK-5)

1041 Marion St. | spps.org/wellstone | 651-290-8354

Peb cov tub ntxhais yuav kawm raws qhov khoos kas BioSMART – nov yog peb koog tsev kawm ntawv ib qho khoos kas keeb txuj kawm txog txhua yam uas muaj sia – uas siv cuab yeej technology rau hauv txhua qhov kev kawm. Muaj ntau lub koom haum loj kuj koom tes nrog rau Wellstone thiab. Qhov kev koom tes no yog los pab npaj cov tub ntxhais mus kawm rau tsev kawm ntawv theem siab (high school), qib siab (college) thiab kawm hauj lwm rau fab Bio Medical thiab Health Science, Bio Business thiab Marketing, thiab Bio Engineering thiab Cuab Yeej Technology. Muaj ib chav xyaum keeb txuj uas muaj twj txhij txhua thiab ib chav tsev qiv ntawv zoo nkauj heev ua rau tub ntxhais kawm ntawv txaus siab kawm thiab xav tob. Peb cov tub ntxhais kawm ntawv nyiam hnub “Science Fridays” – ib hnub uas puv nkaus tej kev tsim keeb txuj kom muaj kev to taub txog lub tswv yim keeb txuj.

Txoj hau kev kawm mus ntxiv: Wellstone > Washington > Washington				
Rau Cheeb Tsam No	Sij Hawm Pib / Sij Hawm Xaus	Khoos Kas Discovery Club	Hnav Tsoos Tsho Zoo Ib Yam	Khoos Kas Kawm Lus Askiv
A-F	9:30 a.m. - 4 p.m.	•		